


LISWAYO LA BULALU

 Ki manzibwana, balikani. Ha lu yemeñi cwale fa nako nyana kwa tapelo. Lu inamise litoho zaluna.

² Ndata luna yakwa Lihalimu, hanze lu utwa yona—yona pina yende yee, lwa—lwa nahana, Mulena, za . . . kuli Uteni fakaufi. Mi lulapela kuli U lu amuhele busihu cwana, Mulena, kakuba bana ba Hao, u swalele libi zaluna kaufela ni lifoso, ni ku lufa limbuyoti za Hao, kakuli lu sicaba se si tokwile.

³ Mi mwa hola yetuna yelupila kuyona yee, mane lwa bonanga, mwaha ni mwaha, kuya ku unzufala hahulu ni kufita, mwa lifasi. Mi Kutaha kwa Mulena kuya kuekezeha kwa liseli ni liseli, kuya ka Mwa ipatululela ili Yena mwa . . . Linzwi la Hae ni mwa mubonahalelo wa Hae. Lu tile hape, busihu cwana, Mulena, ku to lika, mwa mukopano woo, ni ku kupa ku Wena kuli ulu kwalulele, Mulena, Liswayo la Bulalu la Buka yee, kuli li zibahale ku luna, kuli lukone kuziba za kueza ni mwa kupilela, ni mwa kubela Bakreste babande.

⁴ Na lapela, Mulimu, kuli U eze ya si Mukreste kaufela mo, busihu cwana, kulemuha butokwa kwa Hao ku yena. Lumeleza cwalo. Mi Na—Na lapela, Ndate wa Lihalimu, kuli Mukreste kaufela ya pepilwe sinca alemuhe kuli u swanela kupila bukaufi kufita mwa pilezi kwa mulaho, kuli kaufela lube mwa tamahano ya buñwi bwa lilato la Bukreste ni tumelo.

⁵ Eza kuli mutu ya kula kaufela yali mwahala luna afoliswe busihu cwana, Mulena. A lemuhe butokwa bwa Hao ku yena. Mi Na lapela, Ndate, kuli U fuyole lika kamukana ze ezwa ni ku bulelwa, kwa likute ni kanya ya Hao, ka Libizo la Jesu lwa kupa cwalo. Amen.

⁶ Kihande, hape, busihu boo, lu kopani hamoho hape ka bona, bu—bu busihu bwa Labulalu mwa biki yee. Mi lu sepa Mulena, busihu boo, kuli—kuli kube kusuluha kokutuna kwa limbuyoti za Hae fahalimwa Linzwi la Hae. Mi kacenu Ne ni sweli kubala, sina kamita, ni kulika kunahana lika zekona kuswanela hande kwa kubulela, mi taba yateni, mwa ku i bulelela, mi ni ku itinga ku Mulena kuli ani fela toloko ni litaluso za—za Linzwi le li ñozwi lee. Mi Ni itumezi ku Yena ka Za luezelize mwahala biki ye, kuli lu . . . ka za kukwaluha kwa Maswayo aa.

⁷ Mi, Na, mwendi ikona kuba nto yende haiba la Sunda kakusasana, kwa . . . Mwa ziba, linako zeñata . . . Ha lu bati kuipitela mwa kutwisiso, kono, mwa ziba, mina . . . Libanga ka nzila yeo. Mi kacwalo, mwendi, la Sunda kakusasana, haiba kaufela babana ni lipuzo mwa minahano yabona ka zona, baka liñola ni kuli tisa fa sipula se fa, la Pelekelo busihu, ni kuli Ni bone seo lili zona. Mi kipeto Ni like ku mi alabela zona, la Sunda

kakusasana, haiba Mulena alata. Ni sepa zeo likaba fela hande kufita ze ne lu lela, kakuli fokuñwi ha li utwisisehangi, mwa ziba. Mi kacwalo ka nzila yeo Ni kaba . . . Ikona kuba hande kuli Ni be—Ni be ni litoloke hande, mwa ziba. Ikona fela kuba mo li lukela kubela. Kakuli, linako zeñwi, cwale . . .

⁸ Yomuñwi u lizize kacenu mi abulela kuli—kuli, na lizize ni na bata kuziba haiba ki niti, kuli, “Haiba ku—ku Kuungelwa ku ezahala, kuli kukaba fela alimuñwi mwa Jeffersonville ni alimuñwi mwa New York, ni babañwi ba bona kwabuse bwa mawate.” Kacwalo, mwabona, ne ba si ka li utwisisa fela. Mi yomuñwi abulela, kuli, “la Pelekelo busihu, haiba Mulena uka lufa Liswayo la mafelelezo, kipeto Jesu ukaba mo la Sunda kakusasana.” Mwabona? Kacwalo ki—ki a . . . Mwa bona, hamu—hamu na . . . Seo, seo ha si cwalo. Mi ha mu na . . . Ha ki cona.

⁹ Ha lu zibi. Haiba mutu uka mi bulelela kuli wa ziba nako Ya taha, mu zibe kuli wa puma yoo, ka kukala, kakuli hakuna ya ziba zeo. Kono lubata kupila, kacenu, inge kuli kona onafa cwale.

¹⁰ Ni ka mi futula nyana fa muzuzu fela, kona kuli mu itukise. Ni—Ni lumela kuli Jesu uka taha mwahala, mizuzu yelikani, yemilalu kuzwa cwale, mwa nako ya Hae. Mwa ziba butelele bwa nako yeo? Ikona kuba myaha ye mashumi amalalu ka ye ketalizoho. Mwabona, myaha ye wani sauzande ki zazi li liliñwi fela, ku Yena, mwa bona.

¹¹ Kacwalo, ha mu utwa muapositola fani ha ize, “Nako i fa kaufi,” ona moo, “nako i fa kaufi.” Muapositola na bulezi cwalo mwa Sinulo. Mwa ziba butelele boo fo se bu fitile? Zeo halisika . . . Fani neli fela maabani, ku Mulimu, mane neba mazazi amabeli a sika fela kale.

¹² Mi, mwabona, haiba ki mizuzu yemilalu, yenyinyani kufita yemilalu ya Kutaha kwa Hae, mwabona, yeo ikona kuba myaha ye mashumi amalalu, mwendi, ku luna, kamba nto ye cwalo. Mi amutalime cwale, seo mizuzu yemilalu ikona kuba ku Yena: Yena u nanuhile kale, kuli ataha. Kacwalo luna, mina . . . linako zeñwi ha mu bala fa, U sweli kuambola ka buino bwa Linzwi, mwabona, isiñi ka kutwisiso yaluna.

¹³ Mi haiba Ni ziba kuli U taha kamuso busihu, kamuso busihu, kamuso Ne ni ka bala ni ku Mu kupa kuli anife Liñusa ka za Liswayo la Bune. Mi Ne ni kataha kwanu ni ku to I kutaza, ka kuswana fela. Mwabona? Ni—Ni bata kuezanga zazi ni zazi ze Ni kona kueza haiba Ataha. Mi hakuna sibaka se Ni ziba kwa kufumaneha hape kwanda ku yo fumaneha fa sibaka sa musebezi, mwabona, ona fa sibaka sa musebezi. Kona kuli lutundamene fela kuzwelapili kufitela Ataha.

¹⁴ Linako zeñwi lu sa bala fela, mi, cwale, mu tokomele hande cwale. Mi cwale ha mu bala, mungange matepu, mu ateeleze hande luli. Kakuli, mu ka ikutwela zona fa tepu, kakuli mwa a

lizanga matepu ateni hape, mi ona ki amande luli mi autwahala. Kacwalo, mu ka i kutwela zona hande mwani.

15 Cwale, mañi ni mañi abe mwa lilato ni Kreste, Na sepa, busihu boo, mi mañi ni mañi a Mu late.

16 Ni ka mi bulelela kuli, fokuñwi, ze lyanganisanga sicaba, kuli mutu ya sa zo kena ya si ka utwa siemba sa makalelo sa sebelezo, mwa bona. Mi ha taha u utwa hausweli kuswanisisa ku zona, kutamahanya, ku za kwa mulaho, mi kipeto a ikungele zeo, zebulezwi, mi na si ka teezeza siemba sa makalelo. Kipeto zeo lika mu lyanganisa, mwa bona, kanti. Mi uka nahana kuli zeñwi libulezwi ka kushutana, kono ha Ki—kono ha Ki cwalo.

17 Kacwalo haiba muna ni puzo ye mu sa utwisisi, mu i ñole fela fa siemba sa pampili. Mu i beye fela fani, nako ifi kaufela mwahala cwale ni la Pelekelo busihu. Mi Ni ka lika, la Sunda kakusasana, kueza . . . Haiba ya lyanganisa nyana, mu li, “Kihande, Ha ni zibi fela kuli se sitalusa sikamañi fa. Ha ni sika utwisisa.” Mwa ziba ze Ni talusa. Kipeto Ni ka lika ku mi alabela zona, la Sunda kakusasana, haiba Mulena alata.

18 Cwale, busihu boo luka bala mwa Linzwi leli fuyozwi la kale le hape, mwa kauhanyo ya 6. Mi lukala busihu cwana ka Liswayo la Bulalu. Mi yeo ki timana ya bu 5, litimana za 5 ni 6.

19 Mi kamuso busihu lu ka lwala za bapahami babane; pizi yesweu, ni pizi ye soto, pizi ye nsu, ni pizi fubelu.

20 Mi Ni bata kubulela cwana. Kuli, nako kaufela, mane neba kupunya kakusasana cwaan, ka za . . . Oh, Ni tile ka kuitahanela, kuitahanela luli ni kulapela lika li si ka sinyeha hale, ni kulapela fela ka kutundamo musihali kaufela. Kono kakusasana cwana, ka mapakela, Moya o Kenile wa taha fone Ni inzi. Mi sina sika kaufela, Na—Na bona Liswayo leliñwi le ha li kwaluha ona fa cwale ka swanelo feela. Cwale—cwale—cwale, Wa ni utwa, Na ziba. Mi Ni itumezi luli.

21 Cwale, muhupule fela kuli kuna ni se sie zahala. Kuli, Ni—Ni sepa musweli mwa teezeza, mwabona, kuna . . . kuli kuna ni sesiñwi se si ezahala. Ni bata fela kutatuba keleke ye nako iliñwi, ni kubona haiba bakona kuba ni sesiñwi si si ka ezahala kale. Cwale muhupule, muhupule se Ni mi bulelezi. Mi, cwale, Mulena alu tuse.

22 Cwale mwa timana ya 5.

Cwale ha mamulula liswayo la bulalu, Na utwa sibupiwa sa bulalu ha si li, Taha . . . utobona. Mi ha Ni talima, na bona pizi ye nsu; mi ya ipahami u sweli sikala mwa lizoho.

Mi Na utwa linzwi mwahala libupiwa zepila zene le li li, Tikanyo iliñwi ya buloto ileka six-pence, mi litikanyo zetalu za mabele lileka six-pence; kono usike wa sinye oli ni . . . veine.

23 Cwale ha lu kaliseni kwa mulaho wa taba ye hanyinyani fela, ni fa Maswayo o lu fitelezi. Kakuli, kuswana fela sina mwa masika a likeleke, kupalañi, lu like kufa makalelo, kuli atamahane hande, kufitela mukona ku . . . Cwalo kona masika mwa inezi mwa Mañolo mane, lo lufita fahalimwa loliñwi, ona cwalo fela. Kuswana sina kupahama manela, ni kupahama fa mahatelo, nitaluse; wo u shetumuka ku o muñwi, ni kukuta ona cwalo, hamunze mupahama fahalimu cwalo.

24 Mi cwale, Maswayo aa, ki . . . Ki—ki Buka ya Puluso, ye swailwe. Kikuli kaufela mwa utwisisa zeo? [Kopano ili, “Amen.”—Mu.] Mi Buka ye i swailwe ka Maswayo Asupa. Ki Buka ye na ni maswayo asupa. Mwabona?

25 Mi cwale muhupule, sina ha lu mi swaniselize zona, ni ku li zwisa ku Jeremia ni babañwi kaufela. Cwale, bona, hane bana ni . . . Ne ba ñozi sina *cwana*, fa siemba sa pampili ka—ka litaku, kamba pampili, nitaluse; kamba, isiñi pampili, kono neli mukata. [Muzwale Branham utalusa ka kutata ni kuputa kwa litapa, ka kuitusisa mapampili—Mu.] Mi ba iputa sina cwalo, sina *cwana*. Cwale seo . . . Mi mafelelezo a yona na siiwa sina ona *cwalo*; zeo libonisa zeli mwateni. Kipeto yeñwi inga sibaka se si swana, i taha ka kuswana, itatana ona *cwalo*. Mi he, fa mafelelezo fa, ku putilwe sina *cwana*, ni kusiya neku leliñwi.

26 Kihande, yani neli Buka ye swailwe ka maswayo a sebene. Cwale nelusina Libuka zeswana sina *ye* mazazi ani. Libuka za nako ya kale neli matapa. Na putiwanga cwana. Mi cwale ha ba bata tuto kamba sika kaufela . . . Sina haiba—haiba Bibehe i putiwa cwana, mubata kubala Buka ya Isaya; ne mu ka ifutula fafasi cwana kutaha ku Isaya, ni ku I tatulula sina *cwana*, ni ku I bala. Mi ye ki Buka ya Puluso ya maswayo a sebene.

27 Mi cwale lu fumana kuli Ngunyana ya taha, unga Buka kuzwa mwa lizoho la Ya inzi fa Lubona, mi u mamulula Maswayo, ni—ni kutumulula . . . ni kutumulula Zani, u tamulula Maswayo kwa sicaba.

28 Mi Libupiwa zene zali kuina fani, ze ne lu boni mwa masika a likeleke, Libupiwa zeswana zene, muka li bona mwahala Mañolo kaufela, mi ki Zona Ze zibahalisa Maswayo aa kuli akwaluhe. Cwale, lubona kuli ki—ki Buka ya Puluso.

29 Mi lukutile kwa mulaho ni kotalima fa—fa Muliululi wa Lubasi, mi lwa Mu latelela, kuli kuli lubone misebezi ya Hae mo ne iinezi. Mi cwale hala myaha ye kaufela, Krete ubile aeza musebezi wa Muliululi wa Lubasi. Cwale, kaufela baba utwisisa zeo, muli, “Amen.” [Kopano ili, “Amen.”—Mu.] U bile a eza musebezi wa Muliululi wa Lubasi.

30 Kono ku ka taha nako yeo foo musebezi wa kuliulula ha se u felile. Mi cwale musebezi wa kuliulula ha u so felile, kipeto U siya Lubona lwa Mulimu, fo Ainzi cwale. Kono lwani ha kona Lubona lwa Hae. “Ya tula u ka ina ni Na fa Lubona lwa Ka, sina

Na ha ni tuzi mi ni inzi Ndate fa Lubona lwa Hae.” Lwani ha ki Lubona lwa Hae. Zeo ki za Moya, Mulimu. Kreste, ki Ngunyana, ha ki ya Hae. Ki Mulimu yali mwa mubili, mwabona; ili yena Mulimu yaswana, aeziwa mwa mubili. Cwale, U nanuha mwa sipula . . .

³¹ Pili, zibiso ya utwahala, kuli, “Ki mañi ya taha mi abe- . . . mi ange Buka ya Puluso ye?” Mwabona, ka mulelo kaufela wa puluso, kuzwa ku Adama, kaufela za na latehisize Adama.

³² Nekusina ze ne latehile kufitela Adama. Mi kasamulaho wa Adama, kaufela za lateha, mwa lifasi. Mi sika kaufela fa pupo ya lifasi sa lateha. Mi sika kaufela sa wa ni Adama, kusila museto, o kusina mutu ya na kona kukuta mwa mulaho, nekusina mukwa ni hanyinyani. Mutu, ha na ezize sibi, a zwa mwa nzila ya hae, azwa asina nzila ya ku kuta ka yona. Mi cwale kwaba . . .

³³ Puzo ye ha i tobuziwa; Joani musinuli, kuli. . . mupolofita Joani, nali mwa pono ha i bona. Mi nekusina mutu mwa Lihalimu, nekusina mutu mwa lifasi, nekusina mutu mwatasa lifasi, kamba hakuna neba yomukana, mane neba ya na swanela kutalima Buka. Mwabona? Cwale munahane fela! Mi cwale Ngunyana ataha kwapili, mi Anga Buka. Cwale Joani a kupiwa kuli a si ke a lila hape. Ki hali, “Bona, Tau ya lusika lwa Juda i tuzi, mi—mi Yakona kunga Buka ni ku I apula.” Kacwalo, afetuha kuli abone Tau, mi a bona Ngunyana. Yomuhulu a biza, ali, “Tau i tuzi.” Kono ha taha mi atalima, neli Ngunyana ye ne zwa mwa Lubona.

³⁴ Cwale, na si ka lemuha Cwalo pili. Kiñi? Na inzi kwa mulaho kwani, ku za Hae mwa musebezi wa Hae wa buyemeli; kakuli Na lotela mali a sicaba, inza kupela kwateni sicaba, kufitela moyo wa mafelelezo, onoli mwa Buka ya Bupilo ya Ngunyana haisamba kuba mutomo, wa lifasi. Ku kaba fela babañata hahulu mwateni mwani, mi kihona. ku felile. Babañwi mane habana kutabela kutaha mwateni; habana takazo ya kutaha mwateni. Mi kacwalo, he, moyo wa mafelelezo wani ha u so keni mwahali, kipeto nako ya puluso i felile.

³⁵ Kipeto Ngunyana utaha ku to nga liswanelo za Hae ku bao Aliuluzi, mi yeo kona pupo ya hae kaufela. Lifasi ni lika kaufela ki za Hae. Mwabona? U li liuluzi ka Mali a Hae Tota. Mi cwale Ha to nga Buka ye, ku I kwalula, kupalañi, mawi, nebali. . . Joani na si ka lila hape. Mi ha talima, mi Ngunyana ye neli Ngunyana ye tabilwe. Ne se i bulailwe kale, kono ne i pila hape. Mi cwale lu fumana kuli ngunyana yetabilwe ki ngunyana ye lota mali, ilota mali mubili kaufela. Ne i bulailwe. Ha se Imano bulaiwa, Ya zuha hape. Ne i nzi fa Lubona, lubulele kuli kwa mulaho wa Lubona, sina *cwana*, inza kupela kwateni mioyo yani kaufela ye ne sa taha. Mi cwale wa mafelelezo atoba fa, mi se kufela, mi. . . Mulimu na sa sweli Buka ya Puluso. Mwabona? Cwale U sweli fela kueza musebezi wa Muliululi wa lubasi cwale.

36 Sina, Boazi mwa na yezi kwani, ni Ruti nainzi fela fani inza libelezi kufitela Boazi. . . Ni talusa, Boazi aeza za muli- . . . muliululi wa lubasi, musebezi wa kuliulula. Mwa hupula ha ni kutaza zeo, ha ki kale hahulu? Ruti, yana bubula; mi, Ruti, kaufela za na ezize; ni kushetumuka cwalo, mi sika sa mafelelezo, Ruti, inza libelezi. Mwa hupula mo ne Ni swaniselize sani mwa Keleke? Kanti, Boazi uya kwa kueza musebezi wa kuliulula. Na ezize cwalo; atubula likatulo la hae ni kufa bupaki, mi aliulula Naomi, mi, ona mwani, anga—anga Ruti. Cwale, kacwalo, Ruti nasweli kulibelela, kakuli na sa belekile kale. Na sa ezize lika zeñwi ze kaufela, kono na sweli kulibelela cwale. Mi cwale he. . . Keleke ilibelezi, ya pumula (buñata bwa bona, buñata bwa bona luli, ba mwa liluli la lifasi), yena hasweli kueza musebezi wa Hae wa Kuliulula.

37 Cwale lifasi li sa ya mwa bumaswe. Mi sibi sa ekezeha, mi—mi matuku, ni matata, ni lifu, ni maswabi. Baana babasina Mulimu ni basali babasina Mulimu basweli kuishwela fela. Kansa i ba cile, ni lika zeñwi kaufela, ha ba palelwa kubonisa tumelo ka buñata ya kufita kwahule koo ni ku i swala.

38 Cwale mulemuhe. Kono cwale ha se li felile kaufela, kasamulaho Amano aeza musebe- . . . Musebezi wa hae wa buyemeli ufela, Wa taha cwale, unga Buka mwa lizoho la Hae. Mi cwale Joani, ni lika kamukana mwa Lihalimu, za kalisa. . . Mioyo yeli mwatasa aletare yakalisa kuhuwa. Lu fumana zeo mwa Liswayo la bu Silezi, hape. Ni mo ne ba nyakalezi! Mi—mi ba wa fafasi, babahulu, ni kusulula litapelo za balumeli. Mi mioyo yeli mwatasa aletare yahuwa yali, “Wena Wa lukela, kakuli U lu liuluzi ku Mulimu! Mi lu ka kuta mwa lifasi, ku yo pila sina malena ni baprisita.” Oh, nekuna ni siyongili. . .

39 Mi Joani ali, “Mañi ni mañi mwa Lihalimu, lika kaufela zeli mwatasa lilfasi, ni lika zeñwi kaufela,” a li utwa ha li lumba Mulimu ka zeo. Joani hakulata na fumani libizo la hae Mwateni, mwa ziba. Nako yani kaufela!

40 Mi ki hali, “Wa lukela kunga Buka ya Puluso.” Cwale ha ki ya Muatuli ni hanyinyani. Se li ya Muliululi, mi Sa felize musebezi wa kuliulula.

41 Cwale U ka bonisa Keleke Sa ezize. Amen. Mwabona? Kipeto Unga fela. . . Kono Buka ikwalilwe. Hakuna ya na ziba cwalo, ni yomukana. Ba ziba kuli Neli Buka ya Puluso, ku Yona mwani, kono I lukela kzipatululwa mwa mazazi a maungulo. Kuya ka Sinulo 10, lingeloi la bu sebene li ka fiwa Liñusa la Zeo. Kakuli, I bulezi, kuli, “Mwa nako ya ku utwahala kwa mulumo wa lingeloi la lusika lwa bu sebene, lingeloi la bu sebene, ha ka utwahala, likunutu kafela za Mulimu li na ni kufeliswa, ka kuluma kwa hae.” Mi, Limano patululwa, Lingeloi litaha kuzwa kwa Lihalimu, yeneli yena Krete. Cwale muhupule, lingeloi le li mwa lifasi, ki mulumiwa.

42 Kreste ki yo wa shetumuka, mwa Mu bona mwa kauhanyo ya 10 ya Sinulo; li hata lihutu leliñwi fa mubu, mi leliñwi fa liwate; nambwamutalati fahalimwa toho ya Lona, meto inge . . . ni mahutu inge mulilo, ni zeñwi cwalo; li nanula lizoho la Lona, ni kukonka ka Ya pila mwa linako ni linako, fa Lubona, kuli, “Hakusana tiyeho kwa nako.” Mi cwale Ha konka cwalo, Mishika ya pula ye Sebene ya utwisisa milumo ya yona.

43 Mi muñoli, yena, fani Joani ha isiwa falihalimu, na lukela kuñola za na boni. Mane a kalisa ku ñola. Ki hali, “U si ke wa Li ñola.” Kakuli . . . “U si ke wa ñola Zeo.” Kakuli ki ki- . . . Ki hali, “Aku Li kwahele.” Nekuinzzi sikamañi? “Kwahela. U si ke wa Li bulela.” Mwabona, Li na ni ku patululwa, kono mane ha Li si ka ñolwa mwa Linzwi.

44 Mi Ha kala ku kwalula Maswayo, lu fumana kuli, kaufela ona na komokisa. Mwabona? Ha mamulula Liswayo la Pili, a hupula kuli, “Cwale fa Li ka bulela kuli, ‘Mi ku kaba cwana wa *kuli-ni-kuli* ukanga lubona, mi *mukete* aeze se, mi yo u ka eza *sani*.’”

45 Kono cwale ha ne kuli cwalo, kiyeo yaya, pizi yesweu, ya kambama, ni mupahami wa yona fa mukokoto. Kihande, “Na sweli buta mwa lizoho la hae; mi a fiwa kuwani ya bulena, kasumulaho nyana,” ali. Ku felile.

46 Mi Ngunyana afetuha hape, ni ku mamulula Liswayo leliñwi, mi ki yeo yensu . . . mupahami wa pizi ye soto. “Mi na sweli . . . afiwa mu—mu mukwale; mi na ya kwa kulwanisa; mi afiwa mata amatuna, ni ku zwisa kozo mwa lifasi, ni ku bulayana.” Wani neli mufuta wa . . . i sa li taba ye patilwe (nji cwani?), Ha Li mamulula.

47 Mi cwale ki yo wa ya, mi uli, “Mwa lizazi kusika utwahala kale Mishika ya pula ye Sebene, likunutu kaufela fa li ka patululwa.”

48 Cwale mutalime. Cwale lufumana kuli, sina halubile lu bala, zeo, mwahala masika, lu bile ni baongaongi, isiñi bapolofita. Baongaongi! Mi ofisi kaufela ina ni kuezza mu—musebezi wa yona.

49 Kuswana fela sina muuna ya—ya beleka za lifoni, yo batili ha ki mulukisi wa za magesi. Wakona kuezza musebezi olikani fela ka zona. Mi kuswana, haiba mutu ki mubeleki wa malaiti, kihande, yena una . . . Mutu haiba ki mukati wa misima mwa kubeya misumo ya malaiti, mi ali kuba aeze fateni musebezi wa kubeya mihala, kihande ainele kwahule ni mihala; kono wakona kuezza musebezi wa kuakaleza fela kamba nto yeñwi.

50 Kono cwale Sika sa niti ha si bata kupatululwa ka lizazi la mafelelezo, siemba sa mafelelezo a Keleke, ki foo Mulimu ha bulezi kuil Uka mu luma ku luna, kuya ka Mañolo. Mi lu fitile mwateni fa ni fa, kuli Na bulezi kuli Moya wa Elia una ni ku kukuta ku mutu yomuñwi. Cwale, Ni sepa kuli zeo li utwahalile. Mi luna . . . Mi lu libelezi zeo kuezahala; kokuñwi,

mutu ya tozizwe, mwa mazazi a maungulo, kuli atahe. Cwale mu ka utwa zeñata za bufitelezi bwa tumelo ni zeñwi kaufela, kono zeo fela—fela ki kulika ku . . . Ki diabulosi, yalika ku zwisa fateni wa niti ha sa tile, mwabona. Kono li ka zibahala hande. Mwa ziba Elia mwa na inezi; mi mutokomele ona zeo, mi muka—muka ziba. Mi cwale ha ka . . . Cwale, Baketwa ba ka ziba.

51 Isiñi babañwi fela; bona habana ku lemuha. Ba ka Li mbwinja, ka limaili kwahule. Inge . . . Lu se lufitile kuzona, ni kubonisa mo ne ba mbwinjelize Joani, mo ne ba mbwinjelize Elia, mo ne ba mbwinjelize Jesu, mo ne ba mbwinjelize kamukana bona cwalo. Mi ba ka eza nto yeswana, kakuli Bibebe ibulezi kuli baka eza ona cwalo. Mwabona? Kacwalo he, mwa linako zeo, Ukaba ya ikokobelize hahulu. Ukaba ya bunolo hahulu. Zeo lika . . . ze ka kelusa sicaba ku Zona. Kakuli ki ze bunolo hahulu ku bona. Lu fumana kuli, mi kamita, batu ha ba kala kuba baba butali mi baba itutile, ni kuziba hahulu zeñata, kipeto baba fela . . . Ba ba cwalo kona ba ba mbwinjanga lika, mwa ziba. Mwabona?

52 Jesu na si ka nga batu baba cwalo kwa (kuba) balutiwa ba Hae. Na ngile batu baba si ka ituta, bayambi ba litapi, mi hakuna ya na tamahana ni likeleke za bona ni lika zeñwi. Na ngile fela baana ba ba sina mayemo, batelisi, ni linjimi, ni bayambi, ni babañwi cwalo, kuli baeze musebezi wa Hae. Mwabona? Kakuli, ba—ba ziba kuli ha ba sesiñwi, kipeto Na ka eza sina ku bona, mwabona. Haibile fela bakana ba ziba kuli ha ba sesiñwi, kipeto Mulimu wakona kubeleka.

53 Kono ba sa kala fela kunahana kuli kuna ni se ba ziba, fohe, “Hakuna so ziba mwa lika zolukela kuziba,” kona se i bulela Bibebe. Mi kacwalo, he, lu—lu fumani cwalo.

54 Mi cwale, lu fumana he, cwale, kuli likunutu ze li lukela ku patululwa.

55 Mi kiñi kanti baana babañwi baa, bo Wesley, Luther, ni baongaongi babatuna bani, bene ba tisize kuluka, ku keniswa, ni lusika lwa Pentekota lwa kolobezo ya Moya o Kenile ni zeñwi, kiñi hane ba si ka lemuha ona—ona Mañusa aa? Kiñi ha ne ba si ka ikungela Ona? Kakuli ne bali baongaongi. Mwabona?

56 Kuswana sina, mu litalime kwa neku leliñwi, nekuna ni batu bene batile “ni mata sina malena, kono ne si malena.” Mwabona? Mwabona? Mu lukela kulemuha mubulelelo wa Bibebe wa sika kaufela. Mwabona? Cwale mutalime. Kono, se, libaka la kufela kwa kulyangana kaufela, ka za siemba sa kunutu ka za kuluka, kalulo ya kunutu ya kukeniswa, kalulo ya kunutu ya kolobezo ya Moya o Kenile. Mi, kupalañi, ki mufuta mañi . . . ? Kikuli Eva na cile apule, kamba na cile tolwana ya mangaraneti, kamba nto yeñwi fela? Mwabona? Kana . . . ? Peu ya noha neli sikamañi? Mi—mi kana kolobezo ki ka libizo la “Ndate, Mwana, Moya o Kenile,”

kamba ki ka Libizo la “Mulena Jesu,” nji? Mi, oh, mianda ya lika zeo, li siilwe kusina kutokomelwa hande. Mwabona?

57 Mi cwale mwa hola ya mafelelezo, mutu yo una ni kutaha apatulule taba yateni, mwabona, ange Mañolo. Li ka zibahaliswa hande. Mutalime. Eeni, sha. Mi, cwale, haina kuba taba yetuna, tuna cwale. Ku bonahala sina, mo mwa Bibe, ikaba nto yetuna.

58 Neli yetuna cwani, fani Joani ha na nani kuya kwani ku to kolobeza! Munahane fela cwale. Bapolofita, kwa mulaho, kaufela bona kwa mulaho koo, bo Isaya, Malaki, ni kaufela bona ba bulezi za hae, ha ka taha. Mi cwale ha taha, ki mutu wa bulutu, yasupezi, ya sika ituta, ni mahaha fwakaa kwa sifateho, ni milili ya li kuzangalala inge bulizi bwa sibabule, ali kuitama mukata wa ngu mwa teka; ya sika ituta neba hanyinyani, ali kuba aye kwa sikolo neba zazi li liliñwi mwa bupilo bwa hae, kuya ka mo lu zibela. Mwabona? Kiyo a taha, azwa mwa lihalaupa, mane na si ka amuhelwa neba fa katala, mi ayema kwani mwa nuka ya Jordani ni kukala kubizeza sicaba kwa kubaka. Munahane fela zeo!

59 Bibe i bulezi, kuli, “Lika kaufela li kaba zetuna hahulu mwa lizazi lani, kuli mane neba libaka zepahami li ka patamiswa, mi libaka za misindi li ka umbuka.” Eeni, sha. “Mi libaka za masulungundu kaufela li ka ulululwa.”

60 Kiñi, Ni nahana ku babona kaufela kwani, ka kunahana kuli Joani na zwezi kwande, kamba yena mutwaleti yomutuna wa Krete, ni kunga fela maluli ni ku a tutula hande, ni kubeya fateni bucwani hape. Mwabona? Oh, bona, Ni akaleza kuli ne ba li lyanganisize, mane inge mo ba ezeza kacenu.

61 Kono, neli ze ishuwile hahulu, neba baapositola ba li mbwinja. Ba li, “Kihande, kiñi kanti Mañolo ali, haiba baka . . . U ya kwani ku yo talekwa cwale? Kiñi Mañolo a bulela kuli—kuli Eliasi uswanezi kutaha pili?”

62 Ki ali, “U tile kale, mi ha mu si ka lemuha. Mi, Mwana mutu, ba ka eza ze swana. Kono, Joani,” A li, “u ezize kaufela ze ne lukela kuezwa ku yena. Mi ba eza ku yena mo ne ba tabelela kuezeza. Mi,” ali, “ki mwa lukela kunyandela ni yena Mwana mutu cwalo.”

63 Kiñi, nekusina, Ni sepa kuli, kalulo iliñwi yetuna ya lusika lwa Sijuda ne ba sa zibi kuli Jesu Krete na li mwa lifasi. Nekusi . . . Hakulata ne ba utwile mufitelezi yomuñwi wa tumelo kokuñwi, kono ne ba si ka iseza ngana kuzona, ne ba zwezipili fela. “U tezi ba Hae Tota, mi ba Hae Tota ha ba si ka Mu amuhela.” Cwale, foo kona fo Ni lumelela neba . . . Cwale, ha i si ka bulela kuli Na ka taha ka kuipata.

64 Kono ki Kuungelwa kona ko kukaba ka kunutu. Kacwalo haiba zeo neli za kunutu luli, Ha taha, cwale Kuungelwa ku ka ba cwani ka kusazibiwa! Mwabona? Habana ku li ziba. Ka swanelo

ba ka li, “Kihande, Ni sepa kuli ne lu lukela kuba ni Kuungelwa pili. Mi ni katulo ye fa lifasi?”

65 U ka li, “I ezahalile kale, mi ha mu si ka li ziba.” Mwabona? Ku kaba cwalo, kuba fela sina lisholi mwa busihu.

66 Sina bu—bu buka yene Ni balile, nako yeñwi. I bizwa cwani yani? *Romeo and Juliet*, kana kona mo ne kuinezi cwalo, kamba neli nto isili? Na tuhezi, aisa manela kwahule ni pelesa, kwa neku leliñwi. Na seli- . . . Kono fa nako yetelele kafoo. Mi ataha, aba ni . . . kuli amu bizeze fande nako ya busihu.

67 Cwale, cwalo kona, mo li ka—mo lika ezahalela, mi likabe lifelile. Isiñi kuli, ba ka luma sikwata sa Mangeloi fafasi, ni lifocolo zeñwi, aka to kata mabita. Bibe i bulezi kuli, “Lu ka cinciwa, mane u si ka kobyale kale liito la hao.” Ki ku kobyale fela, kaufela li ka be licongile, lubilo lwateni.

Kubulela fela kuli, “Mutu ni mo akeni.”

68 Kihande, Ni nahana kuli kambe ne lu ka bata mwa lifasi kaufela, kacenu, kunani batu baba kuma fa fainfi handeleti baba sweli ku lateha zazi ni zazi, mwabona, hakuna ze ba ziba ka zona. Ba taha fela, mi ba iconga.

Kihande, hakuna kuba ba babañata ba ba kaba mwa Kuungelwa.

69 Cwale, Ha ni bati ku mi sabisa, mi Hani—mi Hani—Hani—Hani—Hani sepi kuli ku cwalo, kono Ni bata fela ku mi bulelela sa Na bulezi. Mi mwa ziba, mina luli. “Mo ne kuinezi mwa mazazi a Nuwe, mo ne ku pilisizwe fela mioyo ye eiti kwa mezi. Mioyo ye eiti mwa lifasi, ya piliswa kwa mezi.”

70 Kihande, mu li, “Oh, mawi! Hakuna tuso ya kuli mane ni lika like.” Seo si bonisa kuli hauna tumelo ya mufuta o tokwa.

71 Haiba ku kaba fela—fela alimuñwi, yo ibe na, amen, kakuli Na lumela. Mwabona? Cwalo kona mo mu lukela ku li lumela, mwabona, “I be na.” Luli. Nibata kupila hahulu bukaufi ni Yena, kuli Ni ziba kuli Uka to ninga nako Ya taha. Na lumela cwalo. Yeo ki niti. Kacwalo haiba kwani . . . Haiba mutu ufi kaufela ha li boni, Na nikaba teni, ka sishemo sa Hae. Kakuli, U ni sepisize ona cwalo, mi Na ziba kuli Nika—Nika yo ba teni kwani, kakuli Hakoni kubulela buhata. Mi Ni ziba kuli moyo waka ni bupilo za pakelana, mi Ni lika kupila ka zazi inge kuli Utaha ka lona zazi leo, kacwalo Ni—Ni—Ni kaba yena yani. Kona mo mu lukela kuikutwela cwalo, “Haiba ku kaba baba eiti, Ni kaba alimuñwi wa ba eiti bao; ha ku kaba ba faifi handeleti, Ni kaba alimuñwi wa ba faifi handeleti bao. Ha ni zibi ka babañwi, kono Ni bata kuba alimuñwi wa baba faifi handeleti bao.” Mwabona? Kona mo mu lukela kuhupulelanga cwalo. Mwabona?

72 Mi ha mu si ke kuhupulanga cwalo, kipeto kuna ni se si fosahalile ni tumelo ya hao. Mwabona? Ha u zibi haiba u

pilisizwe kamba cwani, he. U sweli fela kuakaleza ka zona. U si ke wa eza cwalo. Ku lukile.

⁷³ Haluna kukena mwa Liswayo le bati, nji cwani? Ku lukile. Ni bata, busihu ni busihu. . . Ha ni zibi haiba mwa ni utwisisa ha ni mi ngela nako. Lwakona ku zwa ka kuitahanela nyana. Hakuna hahulu zeñata. . .

⁷⁴ Mwa kupatululwa kwa ona, Maswayo aa, muhupule mane ki timana fela iliñwi. Sapili, si bulela za zibahazo ya sona, timana ya 2. Buñata bwa litaba ze talusizwe, ni zeñwi cwalo, palo ya teñi, kamba—kamba kubala mihupulo ya bona, mi Nina ni—mi Ni bile ni lumela sina kaufela bona mo ba lumelela, kuli yena mupahami wa pizi yapili yani neli—nali keleke yapili. Kono cwale Moya o Kenile ha no lipatuluzi, za to shutanela kwahule ni zeo. Mi kacwalo he, kaufela ze ezahala, libonisa fela seo sili sona. Mi Ni lika. . .

⁷⁵ Cwale, ku na, se ki sa butokwa hahulu. Kona libaka ha Ni kona ku alaba lipuzo zee. Mi ha lu ikungeleni sona, mutu kaufela azibe hande, mi ni fa matepu, ni bona, kuli ba utwisise cwale. Mwabona? Ni likile kuambola fa nako nyana, ya busihu, ka kulika kukalela kwa mulaho, kuli sicaba si be. . .

⁷⁶ Kuakufa ni kukenya mwateni, mi, ha mu lukeli kueza cwalo. Mwabona? Kono, ha kuba cwalo, ki batu fela. Mi kwa cisa mwahali—mwahali mo, ni mina—ni mina ha mu pumuli.

⁷⁷ Kono mubile babande, nde luli. Zende ku ze Ni kile nabona batu baeza, mwa tabernakele, ibile mwa mukopano woo; ni kuina ka kukuza, mi boma inge baisesa limbututu za bona kwa libaka za kuanyeza ha likala kulila. Mi lika kaufela libile fela hande.

⁷⁸ Kono Ni lika ku likalela kwa mulaho kufitela Ni utwa tozo ya Moya ku na, ka kubulela Manzwi aa, kubulela ze patuluzwi ku na. Mi cwale haiba Ni cwalo, kokuñwi, ka kueza cwalo, haiba Ni eza mafosisa fa, kaniti ona mo fapila sicaba kaufela Uka ni sikululela zona. Ni—Ni bata cwalo. Ki—ki. . . Ni bata kuli Libe ze lukile. Hakuna tuso ya kunga za kuinahanela feela. Kuna ni se si lukile, mi—mi kona se lubata ona Seo. Lu bata kuli Mulimu alufe ze lukile.

⁷⁹ Kacwalo he lungile se, bapahami baa, ka mo ne ba tahela. Pizi ya makalelo, cwale, mi lu lemuha kuli yani neli—neli antikreste ya na ile. Mi cwale lu fumana kuli, maabani busihu, kuli yena mutu yaswana ya naile sina antikreste, sina pizi yesweu, lu mu fumani ni mukwale, maabani busihu, inza pahami, ni kubulaya batu.

⁸⁰ Cwale, cwale, kamita kuna ni za nama ni za moya. Mi bakeñisa fela Keleke, Ni bata kuswanisisa, lu si ka kena mwa kukwalula kwa Liswayo lee.

81 Zeo, sa Na ni file, Ni si ñozi kulo faa. Nina ni Mañolo nyana kulo faa, mwendi ki makepe a sebene kamba a eiti a ona, ao Ni ka swanisisa teñi.

82 Mulemuhe, Ni bata kufa mufuta, wa Keleke, ni ku ueza ku utwahala hande kuli mane mu ubone. Mwabona?

83 Cwale, nekuna ni munyaliwa wa nama mwa simu ya Edeni. Mwa hupula maabani busihu? Yena munyaliwa wa nama yani, nali mulatiwa wa Adama, ne si musala hae pili, kakuli na si ka mu ziba kale sina musala hae haisali.

84 Kuswana fela sina Maria mwa na bezi musala Josefa, kono inge a si ka mu ziba kale. “A fumanwa ana ni mwana.” Mwabona?

85 Cwale, Adama a si ka ziba kale musala hae, ne li fela munyaliwa ku yena. Ku lukile. Mi lu fumana cwana kuli Mulimu. . . Musali, musali na wile mwa simu ya Edeni kakuli na palezwi ku swalelela kwa Linzwi la Mulimu.

86 Cwale, Na ziba kuli Satani na ka tamululwa mwahala bona, konakuli Abafa si—si sibaka sa kuina kwa mulaho; a ba tiisa. Kihande, kwani, kimañi ya na ka ziba sibaka sesinde sa maipato, kufita Mulimu, haiba Ulika kubabalela bana ba Hae Tota?

87 Haiba Ni bata ku babalela Joseph waka yomunyinyani, kihande, muzwale, kaufela. . . Mi Ni ziba kuli bupilo bwa hae bu itingile ku zeo, kiñi, Ne ni. . . mi Ni be yakona ku lieza. Kihande, haiba bulilo bwa mafiti a fote-tuu bobutiile, kona—kona zetokwahala kubateni, zeo. . . Ne ni ka eza mafiti a nainte, kuli ni kolwe, hande.

88 Mi haiba Ni kona kunahana cwalo ka mushimani waka yomunyinyani, (yeo, haiba bupilo bwa hae bwa nama bu lateha, Ni lumela kuli mwana na ka piliswa,) kucwani he, ku Mulimu, ku mwana Hae ya na ka lateha Kuyakuile! Ki sikamañi Sa lukela ku mubeya kwa mulaho? Na mu beile Linzwi la Hae Tota kwa mulaho. Haibile fela u inzi mwa Linzwi leo, u iketile. “Ha mu ina ku Na, ni Manzwi a Ka aina ku mina, kipeto mukupe fela kaufela ze mu bata.” Kihona kufelile, ki Linzwi.

89 Kacwalo, Eva na kalile kuhata hata mwa simu, mi a yo i tenga mangunga ni noha, neli mucaha ya talifezi mukwazo. Mi musali. . . Mi yena akalisa. . . Cwale, nali kwa neku leliñwi. Mulimu upila, uina, ubeleka mwa buishuwi, ha ki ka nzila isili fela. Mwabona? Cwale, kalibe yomunyinyani, ya ishuwile inza zamaya cwalo kwani, mi Satani ataha sina ya butali, ya bubebe, mutangana ya sile hande. Mi na bata ku mu ambota taba yeñwi. Haibile fela. . .

90 Hakuna taba kamba Satani na liteni nako yekuma kai; haibile fela musali na ka inela kwa mulaho wa Linzwi, na i ketile. [Muzwale Branham unata fa Bibeke ya hae—Mu.] Mwabona?

Kacwalo, mutuhele Satani aeze kaufela za bata; wena upile fela ni Linzwi. U si ke wanga siemba se si shutana.

Haiba u bulela kuli, “Kiñi, wa kula wena.”

“Ka miupa ya Hae Ni folisizwe.”

“Kihande, u ka shwa.”

“U ka ni zusa hape. U sepisize cwalo.”

⁹¹ Mwabona, ina fela kwa mulaho wa Linzwi. Ku felile. Kreste na yendamezi fa Linzwi, Yena kasibili. “Ku ñozwi.” Mwabona? Cwale, mu inele fela kwa mulaho wa Linzwi.

⁹² Kono, Eva, na kalile kuitoboha cwalo, kono na si ka itobohelela kaufela. Na tuhelezi fela mubamba ulimuñwi fafasi. Mi ona zeo kona za na bata Satani kuli aeze. Na mu katani kwa mulaho wa sepišo ya Mulimu, ka ku nahanisisa.

Musike mwa lika ku nahanisisa Linzwi la Mulimu. Mu Li lumelange fela! Mwabona?

⁹³ Kacwalo, a zwa kwa sibaka Sani. Mi mane Adama a si ka mu swala kale, ka mufumahali, na sa silafalizwe kale ki Satani. Mi ki ha . . .

⁹⁴ Mi kana mu lemuhile? Kreste na ezize nto yeswana, ona cwalo. Cwale, kwa kuliulula, Mulimu nana ni kuba fani pili. Kikuli mu lemuhile? Maria, a si ka taha kale ku Josefa, Moya o Kenile no so ile kale ku yena. Amen. Mwabona? Kwani kona ko ku ka zwelela Muliululi.

⁹⁵ Cwale, cwale mulemuhe, musali wa nama a wa, mi Mulimu alukisa nzila kuli a li ululwe. Ni ha na wile cwalo, A mu ezeza nzila.

⁹⁶ Cwale, yani neli munyaliwa wa pili fa lifasi, ya na wile, mane muuna hae ni yena ba sika nyalana kale. Musali a wa, ka—ka libaka la—la ku nahanisisa, kufita kuina ni Linzwi. Musali a wa. Mi awela mwa lifu, kauhano ya Kuyakuile. Ni yena hamoho, musali anga muuna hae ni lika kaufela ze ne li mwa lifasi. A wa!

⁹⁷ Cwale, kono, Mulimu, yatezi sishemo, alukisa nzila kuli a liulule musali yani. Mi cwale A mu sepiša, ku mu bulelela kuli linako zeñwi, kwapili, Linzwi la niti li ka taha ku yena hape. Linzwi la niti lika zibahazwa ku yena. Cwale muhupule cwalo. Kakuli, Na sepisize Kreste, ka musali.

⁹⁸ Mi Kreste ki yena Linzwi. Muhalalehi Joani 1, “Kwa simuluhho nekuna ni Linzwi, mi Linzwi na li ku Mulimu, mi Linzwi neli Mulimu. Mi Linzwi a ezwa nama,” mwabona, “mi ato yaha ku luna.” Mulimu apila ni luna mwa nama. A ba Linzwi.

⁹⁹ Kusina Linzwi pili, kuna ni muhupulo. Mi muhupulo una ni ku bupiwa. Ku lukile. Kacwalo, mihupulo ya Mulimu ya ba pupo nako ye i bulelwa, ka Linzwi. Foo kona fa Li tiseza ku—ku wena sina muhupulo, muhupulo wa Hae, mi wa patululwa ku wena. Mi, isali muhupulo kufitela u u bulela. Leo kona libaka . . .

100 Mushe na i lo lapela. Sona Siita sa Mulilo sani sene sili ni yena, mi Ki hali, “Zamaya, u supe kota ya hao kwa upa, ni kubulela, ubize ‘linzinzi.’”

101 Hakuna linzinzi. Kono a ya ni ku yo supa kota kwani, mi ali, “Ha ku be linzinzi.” Nekusina linzinzi neba yekana, pili. Akuta kwa mulaho. Kono manzwi, mulelo wa Mulimu, o so bulezwi kale. Ki linzwi, cwale una ni kuezahala.

102 Cwale kikuli ha mu boni fa na bulezi Jesu? “Ha mu bulelela lilundu leo; isiñi kuli haiba Na ni bulela. Kono *mina* mu bulela kwa lilundu le kuli, ‘Aku shenye.’”

103 Mi taba ya pili, Na sepa, mwa nako ya Mushe, nzinzi yetuna ya mubala wa girini ya kala kuzengana. Mi, kasamulaho nyana, kwa ba zeñata lipaundi ze ketalizoho mwa patelo ni patelo. Mwabona? Ne li zwile kai? Yena . . . Mulimu na li bupile. Kikuli ha mu boni cwale . . .

104 Mulimu wakona kusinya lifasi le busihu boo, ni—ni mabuba, haiba A bata kueza cwalo. Kihande, Wakona kubundeka mabuba libunda mane kuyofita kwa kweli. Nto Yakona fela kueza ki kubulela kihona kuli, “Ha ku be mabuba, kuyofita kwa kweli.” Kona ze lukela kubateñi fela. Hakuna milyani kamba zeñwi, ne lika zwelapili fela kuhula, kuhula, kuhula ona cwalo. Mwabona?

105 Wakona kueza Za bata kaufela. Ki Mulimu, ki Mubupi. Taba fela ya kueza ki kubulela kihona. [Muzwale Branham uliza munwana wa hae hañwi—Mu.] Yeo ki niti. Yena ki Mubupi. Cwale, haiba lukona fela kulemuha butuna bwa Hae! Mwabona? Yena ueza fela Za tabela kueza.

106 U ikinezi mwahalimu mwani ni kutalima fa sicaba, ni bona baituti bani, baba talifile, hande mi, “Hakuna Mulimu,” ni—ni lika kaufela. Huh! Kiñi, kuswana fela inge mo ne kuinezi kwa Babele, hape. Babele, nitalusa.

107 Cwale lu lemuha kuli Mulimu na bulelezi Eva, kuli, “Kasamulaho wa nako yetelele ye, Linzwi la taha ku wena.” Cwale, musali na wile cwani? Ni bata kuli sitopa sa ka sibulele. Na wile kwa sikamañi? Ki kai kwa na wile Eva? Kwa Linzwi. Kana ku cwalo? [Kopano ili, “Kwa Linzwi.”—Mu.] Kwa Linzwi. Mi Mulimu ali Na ka eza mukwa wa kuli akutele kwa Linzwi hape. Ku lukile. Kasamulaho wa nako yetelele, Linzwi ne li ka zibahala ku yena. Ku lukile. Linzwi li kona kutahela fela mulelo ulimuñwi cwale. Mu swale katata cwale, ku se Ni bulela. Linzwi likona kutaha ku yena ka mulelo ulimuñwi, zani neli za puluso. Ku lukile.

108 Kono, kufitela—kufitela nako yeo, musali nana ni za kuyolisa zekona—zekona kubelela kufitela nako itaha ya Linzwi la makalelo. Cwale mwa—mwa utwisisa hande? [Kopano ili, “Amen.”—Mu.] Mwabona? A mu bulelela kuli Linzwi ne li ka taha ku yena hape, kono, kufitela nako yeo, Amufa sa kuyolisa

kufitela nako yani itaha. Kacwalo, Amufa nubu ya kutahisa, ya kuyolisa Mali ani.

109 Cwale, mali neli a lipoho ni lingu, ni a lipuli ni zeñwi, kono ne li si ka takula sibi sa hae. Mwabona? Ne li apesize fela sibi sa hae. Ne li sa si takuli, ni hanyinyani. Ne li apesizwe fela. Kakuli, neli mali a folofolo, mi mwa mali a folofolo kona mo kuinzi bupilo bwa folofolo. Neli sa kuyolisa kufitela sa niti . . . Cwale amu apale likoti za mina.

110 A niti, Mali a mutu, sina batu mo ba kona kubela, kuba mwa nama (Mulimu); kusina foso ya nama, mwalanjo, neli kupepwa kwa mwalanjo ko ne kutisize zani. Cwale Linzwi la Mulimu, sepiso, yaba Mali, mi aba mwa mubili wa Mutu wa Jesu Kreste Mupulusi. “Mali a lipoho ni lipuli, ni zeñwi cwalo . . .”

111 Kono cwale libelela. Fa Mulimu na file sepiso, abulela kuli akaba yeni nako Ya taha, “Peu ya Hae ilukela kupyata toho ya noha.” Cwale, haiba peu ya hae neizwa fela ku Adama, kamba neizwa ku noha, ni kai kaufela, kona kuli ne i ka ba peu ya sibi.

112 Ki kabakaleo Joani ha na lilile. Nekusina mutu, kakuli nekusina mutu . . . Mañi ni mañi naliteni, kwaneku leliñwi la musima, muandala. Kono kwa taha nako yeo mali a kuyolisa a lifolofolo aka feliswa, mi cwale Mali, a niti anatile mwa mubili: Mulimu, ya ezizwe nama ni Mali. Bibebe ibulezi kuli Nali cwalo. Timotea Wapili 3:16, “Kusina likañi kunutu ya bulapeli ki yetuna: kakuli Mulimu na bonahalile mwa nama.” Yeo ki niti. Kupepwa kwa bwalanjo kona ko ne kuezize cwalo.

113 Cwale, mali a lingu ni lipuli na apesa sibi, kono na sa si takuli, kakuli neli mali a folofolo. Kono na lukela kuba amane, kakuli neli se si yolisa.

114 Mi bona ka niti neba—neba itusisa za kuyolisa zeo, mi kacwalo ba zwelapili fela.

115 Mi, cwale, la niti, Linzwi la sepiso la bonahalela ku Jesu Kreste, Ya na pakilwe kuba Mwan’a Mubupi yomutuna, Mulimu; mi apakiwa, Kasibili, ka kuba Linzwi la Mulimu yapila. Whew! Mawi! Na bonisize kuli Nali cwalo. Na bulela lika mi zaba teni.

116 Hakuna mutu yapila, kamba—kamba sika kaufela mwa lifasi, se ne sikona kuezza zeo. Hakuna sika mwa lifasi se si kona kubupa, kwanda Mulimu. Diabulosi hakoni kubupa. Ki mulyanganisi wa ze bupilwe, kono hakoni kubupa. Sibi fela ki kuluka ko ku lyanganisizwe. Mwa ziba ze Ni talusa. Buhata ki sikamañi? Ki niti ye si ka bulelwa hande. Mwabona? Boozwa ki sikamañi? Ki kezo yende ye swanela kono i futukile. Kaufela ze li mwa sibi, sibi shangwe ki Niti ye lyanganisizwe fela. Cwale, na sa koni kubupa.

117 Kono cwale Kreste ha taha, apaka kuli Na li yena Mubupi. Ani kona Mali ana sepisizwe. Cwale haiba mubata kubala zeo,

mu . . . Ha lu apuleñi fela fa muzuzu. Lu ka nga nako nyana fa taba ye, nihakuli cwalo, busihu boo. Ni . . .

118 Si ni utwisa boi. Ni sepa kuli mañi ni mañi ubata kuya kwa ndu, mwa ziba. Mi kacwalo ki . . . [Kopano ili, “Batili.”—Mu.] Cwale ha lungeni Likezo 2. Ni itumezi. Mi luka eza fela . . .

119 Likezo 2, mi lu ka bona haiba ye ki niti, kamba kutokwa, haiba Na pakilwe kuli Nali Mulimu. Ku lukile. Munge Likezo 2. Cwale ha lu fiteñi fa timana ya 22, Pitrosi wa bulela, Lizazi la Pentekota.

Mina baana ba Isilaele, a mu utwe litaba zeo; Jesu wa Nazareta, muuna ye mu supelizwe ki Mulimu ka likezo ze mata . . . ni ka liponiso ni ka ze komokisa, za ezize Mulimu ka yena mwahala luna, ha mu ziba za mina- . . . ni- . . . mina sina ha mu ziba ni mina:

120 “Muuna ya na supilwe, kuli neli Mulimu mwahala mina.” Ka zona lika luli za Na eza, za paka kuli Na li yena. Ki yo fa Pitrosi, uyemi fapila ba Sanhedrin, wa ba bulelela.

121 Nekudema na ziba ze swana. Na ize, “Muluti, kaufela lu ziba kuli U Muluti ya zwa ku Mulimu, kakuli hakuna mutu yakona kueza litaba ze Ha sa zweleli ku Mulimu.” Mwabona? Ne ba ziba cwalo. Kono kiñi?

122 Cwale amutalime. Cwale, Eva na sepisizwe se. Kono cwale . . . Munyaliwa yani a taha, mi ahana, Linzwi la niti ha li taha ku yena. Kacwalo, musali ahana ku lemuha; munyaliwa wa mu Heberu. Kakuli, nali munyaliwa wa—wa Mulimu; A mu kasheza kwahule, mwa telekano. Kana ku cwalo? Nali yena munyaliwa wa Mulimu.

123 Mu li, “Kihande, mane ne ba si ka nyalana kale.” Yeo ki niti. Kono Josefa a leleka Maria basika . . . Na ka mu hana Maria ba si ka nyalana kale. Mwabona? Na beelelizwe ku yena.

124 Mi Ha yo taha, ni Linzwi la Na sepisize, la taha kwa sinawenga, A mu fumana inza tatelizwe mwa lika za kuyolisa, maswe luli, kuli musali apalelwa kuswala sepiyo ye ne filwe, ya Linzwi, Kreste.

125 Mwendu ha mu li utwisisi. Cwale haluboneñi ni kutele fateni hape. Ni bata kuli mu li utwisise, mwabona.

126 Na sepisizwe, (ki munyaliwa, Eva), kuli abe Muliululi. Muliululi wa hae uba Linzwi. Mi cwale Linzwi ha li taha, la ezwa nama, a Li hana. A fiwa za kuyolisa. Cwale amu swale seo, “za kuyolisa.” Afiwa za kuyolisa kuli azwelepili, kufitela Muliululi a taha. Mi cwale Muliululi ha taha, musali na bata kuzwelapili ni za kuyolisa za hae, ni kuhana Linzwi la niti. Mwabona kana? [Kopano ili, “Amen.”—Mu.] Mi yani nali munyaliwa wa Muheberu.

127 Kona mwa Na ezelize ni yena, ka Eva wa bubeli, munyaliwa, me wa ze pila kaufela za moya. Mwabona? *Eva* italusa “me wa

zepila kaufela,” wo ki moya- . . . “kaufela zepila.” *Eva*, “me wa zepila kaufela.”

¹²⁸ Cwale, mi cwale Ha taha ku munyaliwa wa Muheberu, nali yena me wa zepila kaufela, kono a Li hana.

¹²⁹ *Eva* wa nama awa, mwa Edeni, ka kuteeleza kwa kunahanisia kwa Satani kuama Lizwi la Mulimu. Kona mwa na wezi ona cwalo. Ku lukile, sha. Musali na wile kakuli na ezize ona cwalo.

¹³⁰ *Eva* wa Moya, cwale, yeo ki keleke, munyaliwa wa Kreste. Musali awa, isiñi mwa Edeni, kono mwa Rome, mwabona, kwa Nicaea Council, nako ya na hanile, yona keleke ya Pentekota yani, zani ne li ile kwa Nicaea, ni kuteeleza kwa kunahanisia kwa Maroma, kufita kuli ba kumalele kwa Linzwi, musali awa. Mi lika kaufela za zwa ku yena, za shwa ni yena, bukaufi ni yena. Cwale, sina fela *Eva* wa nama mwa na wezi, *Eva* wa moya awa ni yena. Munyaliwa wa Mulimu awa—awa mukwa simu; Munyaliwa wa Kreste awa mwa Rome. Mwabona?

¹³¹ Mulemuhe, ka kunahanisia ko kuswana, kushutana ni Linzwi la Mulimu, ni yena musali a itoboha liswanelo za hae ze mata, ku Satani. Ili mane, lu fumani mwa ku mamulwa kwa Maswayo ani, kuli yani neli Satani, mi niteni u sa li Satani ni mwani. Biblele ibulezi kuli ki sona sipula luli sa Satani. Mi sina *Eva* mwa na itobohezi liswanelo za—za buiswalo bwa hae, ni ku lifa ku Satani, mwa simu ya Edeni; keleke, yena munyaliwa wa Kreste, aeza zeswana kwa Rome, nako ye ba toboha lituto zabona za Biblele ni ku akaleza. Mwabona mo li tamahanela? [Kopano ili, “Amen.”—Mu.]

¹³² Mu latelele fela hande mifuta yeo, mu ka ipumana kuli mutaha hande. Haiba lizoho laka li bonahala sina. . . Haiba Na li kuba ni ipone ilina, mi Ni bona muluti wa ka ha utaha, Ni ka ziba fela mo Ni bonahalela. Mwabona? Kono, yeo kona nzila. Haiba mubata kubona zetaha, mutalime zebile teni. “Kakuli za. . . lika za kale kaufela neli miluti ya litaba ze ne za taha,” kubulezi Biblele. Ku lukile.

¹³³ Kakuli, na tobohile kuluka kwa Linzwi, Linzwi la Mulimu, nako ya lekisa Biblele, ni kubeya muuna mwani ya bulela kuli keleke ina ni tukelo ya kucinca sika kaufela se i bata kucinca. Mi ba ezize ona cwalo. Mi munyaliwa wa Kreste, munyaliwa wa pentekota, alekisa buiswalo bwa hae, kwa Nicaea, inge fela *Eva* mwa na lekeselize buiswalo bwa hae ku Satani mwa simu ya Edeni. Kiniti. Ku lukile.

¹³⁴ Mulimu na sepisize; keleke ye, yona keleke ya pentekota ye, ka kuziba kuli na ka eza cwalo; sina mwa Na ezelize ku *Eva*, Mulimu u sepisize.

¹³⁵ Keleke ya pentekota, kikuli mu lumela nalekisize liswanelo za kupepwa kwa hae, kale. . . mata a buiswalo bwa hae, nako ya na zwile fani? Mwa lumela cwalo? [Kopano ili, “Amen.”—Mu.]

Musali, kiniti, na ezize cwalo. Cwale ki bunde mañi bwa tuto ya tumelo, ha i sa tomi fa Biblele yee? Ni bata kuli yomuñwi a fumane se si bizwa kuli Tumelo ya Baapositola, kamba neba linzwi li liliñwi la yona mwa Biblele. Yeo ki tuto ya tumelo ya Katolika, isiñi tumelo ya baapositola.

¹³⁶ Mubale Likezo 2:38, yeo cwale kona Tumelo ya baapositola, haiba bana ni yekana. . . ? . . . Cwale, kona ye ne ba itusisa ka nako kaufela, nihakuli cwalo. Kacwalo haiba . . . Mwabona?

¹³⁷ Kacwalo, ba lekisa liswanelo za kupepwa kwa bona. Ha ki bao fela, ba Methodist, Baptist, Presbyterian, Mapentekota, ni babañwi ba bona, ba ezize zeswana. U ezize kopano. Rome, se ne si muzisize kueza cwalo, na ezize kopano ni kubeya muuna kuba fa toho ya yona. Mi ba Methodist, Baptist, Mapentekota ni babañwi kaufela, ba ezize taba yeswana, ba beya sikwata sa baana fa toho ya yona. Hakuna taba ka za bulela Mulimu, bana . . . Mu na ni kueza mo ba bulelela kuli mu eze.

¹³⁸ Kihande, ki sikamañi seo? Ha ki nto isili mwa lifasi kwanda buhule bwa moya, mufuta o maswe wa musali; eeni, sha, lituto za litumelo, litumelo zepuma, za ipangezi mutu. Mi ki ha ba, nako yaeza cwalo. . . Cwale Ni ka mi bonisa se. Atoba lihule, ku Mulimu. Kana mu lumela kuli Biblele ibulela cwalo? Eeni, sha. Bana ba hae basizana baezize zeswana.

¹³⁹ Cwale mwa Sinulo 17, haiba mubata ku i ñola. Joani na ngilwe mwa Moya, “Mi abona lihule lelituna inge liinzi fa . . .” Mi lu ibalile maabani busihu. Mi nekuna ni malundu a sebeen, mi ona cwalo fela za na ezize. Mi afa lifasi masila a buhule bwa hae. Kana ku cwalo? “Mi malena ba lifasi kaufela ba pilile ka buhule ni yena,” kupuma, ni kuuzwa, ni buhata, ni kulapela za kubaka, ni—ni milapelo ya mazazi a naini, ni lika zeñwi kaufela.

¹⁴⁰ Kihande, cwale muhupule, nana ni bana ba basizana. Kihande, haiba nabile mubili, mi mwatasa mulao wa katengo, kipeto mulao kaufela he u fosahalile. Mi haiba Eva, ka kusa utwela Mulimu, a nepela lika kaufela mwa lifu, ze ne li mwatasa hae; mi keleke kaufela ye ikongakonga, inepela lika kaufela mwa lifu, ze li mwatasa yona. Kiniti. Taba yateni kaufela ii congile. Zeo ki kuya ka Linzwi fa. Mubale Sinulo 17. Mi Biblele ibulezi kuli Uka “mu cisa ka mulilo, ni bana ba hae hamoho ni yena.” yeo ki niti. Zeo litalusa kuli, mulao wa katengo kaufela uka cisiwa, hamoho ni lihule.

¹⁴¹ Cwale, seo si utwahala buhali, mi Ni—Ni ziba kuli mu ka utwa zateni, mi Ni—Ni bata kuli muteeleze zateni. Mi Ni—Ni . . . Yeo ki niti, ni hakuli cwalo. Biblele ibulezi ona cwalo, kona kuli zeo zakondisa lika.

¹⁴² A fetuha kuba “lihule.” Mwakona ku ipalela zona mwa Sinulo, kauhanyo ya 17. Musali, kiñi sa na ezize? A eza buhule, ka kufapana ni Muuna hae. “Kihande,” mu li, “batili, yeo kona Biblele.” Linzwi la Mulimu. Mi haiba munga nto yeñwi . . .

143 Kikuli wakona kuabela kuli musala hao a tubetiwe ki muuna usili? Haiba na si ka eza zecwalo, ha ukoni kutabela kuli aeze cwalo. Na ka bonahalisa ku sa sephala kwa hae.

144 “Kaufela ya ka zwisa Linzwi leliñwi ku Lona, kamba kukeza kwateni leliñwi ku Lona.” Haleluya! Krete ubata kuli Musala Hae abe a kenile ka Linzwi. [Muzwale Branham ungongota fa katala linako zene—Mu.] Cwalo kona Mwa lukela kubela.

145 Kakuli, hakuna, hakuna neba towati iliñwi, kamba kuto, kamba sika kaufela, kamba mukanga, o ka feliswa mwa mulao, kamba ku zwiswa mwa Buka yani, konji kaufela ha se Li talelelizwe. Jesu naize, “Bubeli bwa lihalimu ni lifasi li ka fela, kono Manzwi a Ka hana kufela.”

146 Musike mwa beya toloko yepatilwe ku Lona. U bata ya kenile, ya si ka zwakiwa, mane kusina neba mweelembo. Ha ni koni kutabela kuli musala ka aeze mweelembo ni muuna yomuñwi. Mi ha u akala kuteeleza kwa litaba zeñwi za kuakaleza, kufitelela Zeo, usweli kuteeleza, u eza mweelembo ni Satani. Amen! Kana ha li mi utwisi bulapeli? [Kopano ili, “Amen.”—Mu.] Mulimu ubata kuli upile kusina za kuzwakana ni zona. Upile hande ni Linzwi leo. Pila hande ni Lona. Ku lukile.

147 Mulimu na mu sepisize, sina mwa Na ezelize ku Eva mwa simu ya Edeni, ku Eva wa mafelelezo faa. Zeo mane, keleke ya pentekota, makalelo a keleke, keleke kasibili, ki mushemi wa musali kwa sicaba sesipila, kakuli, haibile fela ba yanga teni koo. Kono, mwa bona, ha ba amuhela libi za hae, ba shwa ni yena.

148 Ki ha kutaha mucaha nyana yoo. U li, “Ni—Ni bata kusebelza Mulimu.”

149 Mi bali, “Kihande, ki se so eza. Zamaya mi u bake.”

“Ku lukile, Nika eza cwalo. Kanya ku Mulimu!” Zamaya kwani, ubake.

150 “Cwale taha u to ikopanya ni luna.” Kifo, ki fo cwale. Uhuhuh. Mwabona? Kuna ni baba u twile. Huh! Yeo ki niti, ne li shwile ni zona. Mwabona? Mwabona? Zeo fela . . . Kona ze i luta Buka ye, mwabona, isiñi ze Ni bulela. Kakuli, I bulela Fa, ona cwalo. Ku lukile.

151 Cwale, Mulimu u mu sepisize, sina mwa Na ezelize ku Eva. Na bulelezi Eva kuli ku ka taha nako yakuli—yakuli Linzwi li ka taha ku mukutela hape. Cwale mwa hupula zeo? Sa na latehile ku sona, li ka kutisezwa. Kakuli, kuna ni fela Nto iliñwi yekona ku kutisa lika, mi yeo ki Linzwi. Kiniti.

152 Ni ize, ha kunupa tobolo; ha u sa nati fo nongile, u fumane fo i sikami. U lukela kukuta ni kukalisa sinca hape. Mwabona?

153 Mi ha ukutela mwa mulaho, uka ipumana kwa Nicaea. Kwani kona ko ukalela hape, mwabona. Kuta mwa mulaho, uzwe

kwa tutengo twani, kwahule ni likeleke zani kaufela. Mi lubile lubona Maswayo ka kupetahala fela.

154 Ne ni komokanga hañata, mwa bupilo bwaka kaufela, libaka le ne Ni lwanisezanga milao ya likopano za kuongaonga. Isiñi batu, batili. Batu baswana fela inge na kamba wena, kamba ufi kaufela. Kono mulao wani, ona mulao wa likopano wani, cwale Na u bona mo. Ne ni si ka u ziba kufitela cwale. Mi yeo ki niti.

155 Mulimu u sepisize Eva wa moya, zeswana sina mwa Na ezelize ku Eva wa nama, kuli hape Linzwi li ka mu kutela. Mwa mazazi a maungulo Uka kutiseza hape kwa Keleke, kwa Linzwi la makalelo hape.

156 Cwale mutalime ka tokomelo luli. Ni—Ni bata ku ziba hande cwale. Mulimu na sepisize Eva, kuli nako i ka taha foo Linzwi ha li kutisezwa hape ka Peu ya hae. Linzwi le, Kasibili, li kaba Peu. Mi ha ba mufa sa kuyolisa, a kumalela ku sona. Mi cwale Linzwi ha li taha ku yena, kiñi sa na ezize? “Ha ni li lati.” Ne li ikokobelize hahulu. Ne li sa bonahali hande, ku yena. Ne li si za butali hahulu. “Sicelo? Oh, mawi! Mawi! Mutu ya cwalo, yasika kena neba zazi li liliñwi mwa sikolo? Kihande, Ha ni koni kuamuhela zeo. Yani ha ki Mesia. Mutu ya ka tuhelela batu inge ba mu lahaka cwalo, inge ba mu biza kuli ‘Mesia’? Aba tuhele inge ba mu tama lisila kwa meto, ni ku mu nataka kwa toho? Mi aipize kuli ki Mupolofita, Mupolofita wa niti, ya huliliszwe hande?”

157 Kaniti, ne ba sa zibi bapolofita. Jesu na bulezi cwalo. Na i ze, “Kambe mu zibile bapolofita, ne mu ka ni ziba Nina.” Yeo ki niti.

158 Cwale amulemuhe. Kono cwale Linzwi ha li hata kuyena, ka swanelo, ona ka swanelo Mulimu mwa na bulelezi kuli Li ka taha; a Li akaleza ka nzila isili. Ni ambola munyaliwa cwale, munyaliwa wa Mujuda, munyaliwa wa Muheberu. Yani neli Eva, ka kukala. Mi cwale ha Li yo taha fa, na sa Li lati. A bata kuinelela ni za kuyolisa za hae.

159 Cwale, Mulimu na sepisize Eva wa moya, kwa Pentekota, a li bulela kale li si ka ezahala, myaha ye mianda yemine keleke i si ka wa kale, kuli ba ka wa, mi ne ba ka eza se ba ezize. Kono, Na sepisize, mwa mazazi a maungulo kuli Uka luma Linzwi hape.

160 Jesau na bulezi zeswana ha Na li fa lifasi; U ka Li luma hape. Ni kuli seo. . . Kiñi se si ka Li fumana? Ni ka fumana nto yeswana yene Li fumani ha Li taha ka nako yapili. Kiniti. Bana ni. . . Ba, ba bata za kuyolisa zabona. Ba bata kopano ya bona. Ba bata lituto za litumelo za bona. Ba bata kupila mo ba latela kaufela. Mi ba bata kueza kuli, “Kihande, Kina wa *Kuli-ni-kuli*. Ni wa siemba sa *Kuli-ni-kuli*.” Hakuna shutano ku za eza Mulimu, butuna Mwa ka iponahaleza ili Yena; Na ka zusa bafu; Na kona kubulela likunutu za lipilu; Na kona kueza kaufela ze ne ibulezi Bibe kuli Uka eza. Seo ha si ezi shutano ni yekana. “Haiba ha si si swalani ni katengo kaufela, hakuna sika ku Sona.” Mwabona?

161 Ki nto yeswana sina mwa na ezelize munyaliwa wa Muheberu yani, yeo ki niti, mwabona, ne ba teelize ku za kuyolisa kwa bona. Mi Mulimu a ba sepisa za luli. Mi cwale za niti ha li taha, ne ba si ka Li tabela. Ne li ze ishuwile luli.

162 Cwale ki nto yeswana ni kacenu, ha—ha Li taha mwa sibaka. Cwale, Mulimu naize, mwa Malaki 4, kuli Uka luma Liñusa mwa mazazi a mafelelezo, le li ka kutiseza. Joele naize kuli, “Ni ka kutiseza myaha.” Kaufela ze cilwe ki Rome, ni kaufela ze cilwe ki ba Methodist, ni kaufela ze cilwe ki ba Baptist, kuzwa kwa mutai wa makalelo wa pentekota wani, Mulimu naize, “Ni ka kutiseza mwa lizazi la mafelelezo.” Yeo ki niti.

163 Mi Wa kona ku lu lumela mutu ya cwalo ya ka ba . . . Sika sinosi fela seo Mulimu alumanga Linzwi la Hae ki ku mupolofita, isiñi kwa baongaongi; kwa bapolofita. Ne si hola ya zona. Cwale ki . . . se iya isutelela hola yateni, mi ki kabakaleo lu ilibelezi kuli itahe. I kaba ye ishuwile mi ye musa! Mi kacwalo . . . Oh, mawi!

164 Mu nahana kuli ma Methodist ba mayemo amatuna bani, ba Baptist, ni Presbyterian, Mapentekota, bakona kuli amuhela?

“Oh,” mu li, “Mapentekota?”

165 Mapentekota ki bona ma Laodesia. “Bafumi, mi babasina se ba tokwile.”

166 I bulezi kuli, “Ha u zibi ku u mubotana.” Mwakona kuyaha miyaho yefeza ma milioni a madollar, kono niteni mu sa li babotana, mubotanile mwa moya.

“Oh,” mu li, “Na Li bona kaufela.”

“U sibofu!”

“Kihande,” mu li, “kufuyolwe Mulimu, Ni tinile.”

“U mapunu!”

“Kihande, Ni ziba hande bashimani ba luna. Luna ni mikopano ya bukutazi. Luna . . .”

167 “Kono ha u zibi.” Cwale zeo fela kinto yeswana ni kushutanisa. Cwale, haiba Bibeles ibulezi kuli Keleke ya Laodesia ikaba mwa buino bo bu cwalo . . .

168 Mi hakuna mutu fa lifasi yakona kuhana kuli loo ha ki lusika lwa mafelelezo, kakuli, Lusika lwa Keleke ya Laodesia, kamba, lusika lwa keleke ya busebene. Mi, ki luna ba fa, myaha ya bubeli ye likiti zepeli ya fela. Hakusana masika a likeleke. Kona libaka mina mizwale ba Pula yamwa Mulaho ha mu palezwi kukalisa kopano yeñwi. Ku kaba ni zeñata. Yeo ki niti. Ki kwa mafelelezo. Amen. Haku koni kuba ni masika amañwi a likeleke. A felile kaufela.

169 Kono cwale haiba liñusa la pentekota neli liñusa la mafelelezo . . . Leo, kuluka, kukeniswa, ni kolobezo ya Moya o Kenile, mañusa a malalu a mafelelezo, masika a malalu a likeleke kona apanga Kupepwa ko ku talelezi.

170 Kuswana fela sina musali ha ba ni, akaba ni mbututu; nto yapili ye ezahalanga ki mezi, yetatama ki mali, yetatama ki bupilo.

171 Ha ne ba bulaile Jesu fa sifapano, kuna ni ze ne zwile mwa mubiliwa Hae, kuli kube ni zenca . . . kuli kube ni—ni Kupepwa ko kunca. Ba Mu taba kwa makupo, Mali ni mezi a zwa, mi, “Ni beya Moya wa Ka mwa mazoho a Hao.” ze ne zwile mwa mubili wa Hae neli mezi, Mali, Moya.

172 Cwale, Joani Wapili 5:7 ya mi bulelela ka zeo, “Ki zetalu ze pakelana mwa Lihalimu, ki Ndate, ki Linzwi (ili yena Kreste,) ni Moya o Kenile.” Mi zetalu zeo li lumelelana mwa nto iliñwi; ha ki iliñwi, kono za lumelelana mwa iliñwi. Mi kuna ni zetalu ze pakelana . . . Kamba, “Ki nto iliñwi,” Ni taluse. Ni shutanizise foo. “Mi ki zetalu ze pakelana mwa lifasi, ki mezi, Mali, ni Moya, mi zeo lilumelelana mwa nto iliñwi.”

173 Wakona ku keniswa kusina kubeiwa ya lukile. Mi wakona kubeiwa ya lukile kusina kukeniswa. Wakona kukeniswa kusina ku amuhela Moya o Kenile. Yeo ki niti.

174 Balutiwa, mwa Joani 17:17, ne ba kenisizwe mi bafiwa mata a kuleleka mioya, kono niteñi ne ba si na Moya o Kenile. Mwabona? Luli. Nebana ni kuya kwa Pentekota, ni kulibelela kufitela Moya o Kenile utaha.

175 Kona kwa na iloboniseza mibala ya hae Judasi kwani. Mwabona moya wani mo no belekezi ka kubeiwa ya lukile, kukeniswa? Kono ha li yo taha kwa mafelelezo, abonisa mibala ya hae. Mwabona? Yeo ki niti.

176 Cwale mulemuhe, cwale, mi fa lu kwa nako ya maungulo. Mi Eva wa moya, inge kakuba fela wa nam-. . .sina Eva wa Muheberu mwa na sepiselizwe, munyaliwa wa Muheberu na sepisizwe kukuta kwa Linzwi. Mi munyaliwa wa moya kuzwa kwa Pentekota, nako ya wa kwa Nicaea, mi u sepisizwe mwa mazazi a maungulo kuli Linzwi li ka kuta hape. Cwale mu li, kana . . .

177 Mu bata Liñolo leliñwi, munge le faa, Sinulo 10. Mi ali, “Mwa hola, nako ya—ya lingeloi la mafelelezo, lingeloi la busupa (numwana wa busupa) ha likala ku utwahalisa mulumo, kunutu ya Mulimu ika petahala.” Mwabona? Kukutisezwa kwa Linzwi! Bible ibulezi kuli numwana wa mazazi a maungulo yo uka, “Ba kutiseza kwa Tumelo ya makalelo hape, kukutela kwa Tumelo ya bashemi.” Kono kikuli munahana kuli ba ka I amuhela? Batili, sha. “Mazazi a maungulo, U ka kutiseza Linzwi la makalelo,” sina mwa Na bulelezi mwa Malaki 4.

178 Kono musali na sa itobohile. Cwale, na tobohile Linzwi kwa Nicaea. Eva na li tobohile mwa Edeni; Eva a hana la hae fa Kalvari. Mi sikwata sa Nicaea sisweli ku Li hana mwa mazazi a maungulo, ka kuswana fela. Mawi!

179 Kono cwale Linzwi ha litaha mwa mubili wa nama, musali, Eva, keleke ya Muheberu, me wa ze pila za moya kaufela ka nako yani, a Li hana. Na sa shwile hahulu, mwa lizo za hae ni lituto za litumelo, kuli mane a Li mbwinja. Kona mwa inezi ni yena yoo, kiniti. Ku lukile.

180 Ha ba Mu lemuhi, Linzwi le lipila la iponahalisa ili mwa nama, ka Linzwi le li sepisizwe. Linzwi li sepisize kueza lika zeo. Sepiso ne ifilwe, kuli ku kaba ona cwana mwa mazazi a maungulo. “Sina mo ne kuinezi mwa mazazi a Sodoma, kona mo ku kabela ni fa Kutaha kwa Mwana mutu.” Cwale mutalime ze ne ezahalile kwa Sodoma. “Sina mo ne kuinezi mwa mazazi a Nuwe, kona mo ku ka bela ni fa kutaha kwa Mwana mutu.” Mwabona? Mu talime ze ne ezahalile linako zani. Mwabona? Cwale, Na bulezi kuli li kaba ka mukwa o swana, mi lupila mwa lizazi lateni. Kihande, mi kwa kona kuba cwalo, Na sepa, Na kona kunga lisepiso ze mianda ye silezi ona cwalo, mwa Mañolo, inge ni swanisisa fela ku zona. Mwabona? Cwale, kono, ba Li hana.

181 Na swalelezi kwa lizo ni za kuyolisa, kufita kwa—kwa . . . Na swalelezi kwa mali a kuyolisa, kufita kuswala Mali a niti. Jesu, yena Linzwi, naize, nako ye Li bonahala ku yena, “Kakuli na swalelezi kwa lizo zee. . .” Jesu, yena Linzwi le li bonahalile, naize ku munyaliwa, munyaliwa wa Muheberu, “Kakuli mu kumalela kwa lizo za mina, mu tokwisa Linzwi la Mulimu mata ku mina. Halikoni kuba ni mata.”

182 Cwale leo kona libaka kacenu, kuli, a—a ancafazo ye lu swanela kuba ni yona, luna ni ancafazo ya likopano. Ha lu si ka ba ni ya niti yetisa nyungano. Batili, batili, batili. Batili, sha. Musike mwa nahana kuli luna ni ancafazo. Haluna zona. Oh, bana ni ma milioni ni ma milioni ni ma milioni a batu mwa keleke, kono haili ancafazo abana yona. Batili. Batili.

183 Mu—mu Munyaliwa ha si kaba kale ni ancafazo. Mwabona? Ha ku si ka baka kale ni ancafazo kwani, hakuna ponahazo ya Mulimu ye ne ka nyunga Munyaliwa mwani. Mwabona? Lu i libelezi cwale. I ka nga Mishika ye sebene ye si ka zibahala yani yeneli kwa mulaho kwani, kuli i Mu zuse hape, mwabona. Eehe. U ka i luma yena. U sepisize cwalo. Cwale mutalime.

184 Cwale, na li—na li ya shwile. Mi cwale haiba likeleke likona fela kulibala litumelo za zona, ni kulibala milapelo ya litumelo za zona, ni kunga fela Biblele, ku kupa sepiso, fohe kupeto li ka taha ka mata ku bona. Kono, mwabona, Jesu naize, “Mina, ka lizo za mina, mutokwisa Linzwi la Mulimu mata ku mina.” Kihande, ki nto yeswana kacenu ni Eva wa moya, mwabona, munyaliwa wa moya wa kacenu, kuya ka mwa bizezwa, yona keleke. Unga Linzwi la Mulimu, kono wa Li latula. Mi u amuhela lituto za litumelo, kanti. Kabakaleo, Linzwi halina mata ku

yena, mwabona, kakuli u lika kuzwakanisa litumelo zeñwi ni Linzwi, mi halina kubeleka. Cwale, ze lutokwa kacenu . . .

185 Ni zwelapili fela kubala taba ye fa, *Herald of His Coming*, fa litaba za toho ya taba, “Lutokwa kukuta kwa mupolofita! Lutokwa kukuta kwa mupolofita!” Mi Ni sepa kuli, ha sa kutile hakuna ze ba ka ziba zateni. Fela . . . Yeo ki niti. Kamita kubile ona cwalo, mwa bona. “Lutokwa ze cwalo,” kaufela ze mubulela, “lutokwa mupolofita kukuta, ya ka tisa Linzwi la Mulena, yasina boi. Lu lumela kuli Bibebe i sepisize.”

186 Cwale, Na ziba Muzwale—Muzwale Moore ni babañwi, ba ceta mwa ndu ya hae, ni zeñwi kaufela, muñoli wa mutende. Mi ki muuna yomunde hakalo yana—yana ni zibo luli, Na sepa, ki alimuñwi wa licaziba. Kono, mwabona, u ziba kuli luna ni kuba ni zona. Mi Kezeli Moore, alimuñwi wa basali babande, yomunyinyani . . . mutu ya ishuwile luli, mi ba ikataza.

187 Mi wani ki ulimuñwi wa mitende yeminde ya mwa simu, kuya ka mubonelo waka, ki ya *The Herald of His Coming*. Kono mu ka fumana kuli, basweli kupatalaza kuli, “Lutokwa mupolofita! Lu tokwa mupolofita!” Mwabona? Mawi! Kona ze basweli kuambola.

188 Mi cwale ki luna ba fa, kacenu, mi sina maabani ni kacenu, ka kupatalaza fa silimba, mi . . . ni ba likeleke za Baptist ni zeñwi cwalo, kuli, “Ha lu lukeli kunga Makatolika, kono lu lukela kuba ni bona.” Mwabona?

189 Mi ona fa, Liñusa le li sweli kuutwahala fa, la kuli, “Mupile kwahule ni sifanu seo!” Mwabona? Mwabona? “Bababeli bakona kuzamaya cwani hamoho ha ba sa lumelelani?” Liseli ni lififi halina kukopano hamoho. Mi Liseli ha li taha, lififi la zwa mwatani. Mwabona? Haku koni . . . Ye mata hahulu! Hamukoni kutima Liseli, ka lififi. Kono mwakona kuleleka lififi, ka Liseli. Yeo ki niti. Mi Yena ki Liseli, mi ki Yena Linzwi. Mwabona? Cwale, ki fohe cwale, kukuta kwa mulaho hande. Hamukoni kueza kuli Li bulele buhata kamba sika kaufela se si fosahalile. Li ka kutela hande kwa sibaka sateni hape. Eeni, sha.

190 Kuswana fela sina mucaha ya kalisa sika, alike ku kanana ni wena; haiba wa ziba fa kuyema, u wa ziba sa lumezi.

191 Kuswana fela ni kunga shakame ni ku itumulula mwa ndu ya yona, mi mutibile kwa misima kaufela. Muyeme fela mwa munyako; ina kuta. Kona fela ze i kaeza. Mu ikwalezi mwahali. Mwabona? Ina ni kukutela kwa sikwalo hape, kakuli kona sibaka fela seikona kuzwa ka sona. Ika otolola nangukisa toho ya yona ona *foo*, mane ibate kulobeha mulala; ni kuzwela ona *fani*, ona *fani*. Muyeme fela ni kuitalimela, mi ika kuta hande mwa mulaho. Mwabona? Ku felile.

192 Kona fela mwa kuezeza ona cwalo. Kuina ni Linzwi lani. Wakona kuhuwa mo latela kai ni kai, ni litumelo za hao, uka

lobeha fela mulala kai ni kai, kono ulukela ku kutela kwa Linzwi le. Mwabona? Eeni, sha. Kona kaufela Lona kakutala.

¹⁹³ Cwale, mwabona, haba—haba—haba—haba Li tabeli. Ha ba lati Linzwi la Mulimu. Kakuli na kumalezi kwa lizo za hae, a buluka Linzwi la Mulimu ka kulitokwisa mata.

¹⁹⁴ Ki nto yeswana ni cwale, ku Eva wa moya. Ha lati kuli. . . U bata kubuluka lizo za hae, ni kuba kwahule ni Linzwi la Mulimu. U kumalezi hape kwa likopano, ni lituto za zona, ni lizo za bashemi, mwa sibaka sa kunga Linzwi la Mulimu.

¹⁹⁵ Mi cwale sepiso ya Linzwi, mwa mazazi a maungulo, ha i tiswa kuyena, haana ku I amuhela, kakuli, ka lizo za hae, sina munyaliwa wa Muheberu mwa na ezelize. Linzwi la niti, niha li bonahalizwe, kuboniswa, ni kupakiwa, niteñi haana ku Li amuhela. Kiñi hasike kuliamuhela? Kakuli kuna ni mufuta wa hae. Hakoni kueza cwalo. Yeo ki niti. Hakoni kufita fa mufuta wa hae. Mwabona? Mi ku bulezwi kuli uka eza cwalo, kona kuli uka ipumana cwani kwahule ni zona?

¹⁹⁶ Cwale taba inosi fela ya kueza ki kutabela kuli ukeni mwahali. Ku felile. Ube ya libelezi cwalo. Ku lukile.

¹⁹⁷ Mulimu usepimize, mwa mazazi a maungulo, kuli Uka bonisa ni kupaka Linzwi la Hae ku yena, kono niteni haana ku eza cwalo. Zeo kaufela, Mulimu na mu sepimize, ka batanga ba Hae, bona bapolofita. Mulimu u sepimize, ka Jesu Kreste. Mulimu u sepimize, ka Joele. Mulimu u sepimize, ka Pauluso. Mulimu u sepimize, ka Malaki. Joani. . . Mulimu u sepimize, ka Joani musinuli, ona bapolofita bani kaufela, ona cwalo fela Liñusa la mafelelezo mo ne likabela kuyena. Cwale, haiba mubata kuñola litaba zeo; kakuli, kaufela mina mwa liziba: Jesu, Joani 14:12; ni Joele, Joele 2:28; Paulusi, Timotea Wabubeli 3; Malaki, kauhanyo ya 4; ni Joani musinuli, Sinulo 10, seben-tini, wani kufita fa seben-tini. Mwabona, ona cwalo kona ze ka ezahala cwale! Mi, kwa keleke, ki sikamañi Seo? Ki Linzwi le li pila ku mutu mwa mubili wa nama mwahala sicaba sa Hae hape! Mwabona? Kono ha ba Li lumeli fela.

¹⁹⁸ Mwa ziba za na bulezi Jesu ha Na boni kuli Na. . . ha Na ezize limakazo zani fapila bona, ni kubonisa kuli Nali Mulimu? Abonisa luli, za Na sweli kueza. Nali yena. Na liezize hande. Na—Na ize ku bona, Na ize, “Mawe, wena, Karpennauma, ya ipahamimize kwa lihalimu, kambe misebezi ye ezizwe. . . misebezi yemituna ye ezizwe mwa Sodoma, ye ezizwe ku wena, ne i ka be iyemi ni kacenu.” Yeo ki niti. Mi wa Karpennauma, Na sika eza zetuna kwanda kufolisa fela batu ba sikai, mi aba bulelela zepatilwe mwa lipilu za bona, ni kuzwa mwatani. Uhuh. Ku felile. Mwabona?

¹⁹⁹ Ha ba zibi kuli misebezi yemituna ki yecwani. Ba nahana kuli ilukela kuba tukiso yetuna koo mañi ni mañi una ni kuyema, mi muatuli ufa manzwi kwa sicaba, ni—ni balizi ba lilimba inge

baliza, ni mibala inge i pepela, mi ni—mi basali batinile hande, ni za bona . . . inge ba libelezi, mi kaufela ni ma Ph.D, ma LL.D, ni likuwani zetuna zetelele, ni makola a potoloha mulala, ni lika kaufela, kaufela bona bana ni kutaha mwateni. “Yeo ki taba yetuna.”

Mulimu u i ze, “Boo ki bukuba.”

200 Mi U tisa ya sa zibi sika neba ka za shutano mwahala ABC, cwalo, ni kueza nto yeñwi yebeya Keleke ya niti fa mulilo. Mi baba siyezi ba bona bali, “Ki sikwata sa bapikuluhi ba bakenile.” Mulimu ubiza Zeo kuli “zabutokwa,” mi lifasi li Li biza “butanya.” Lifasi li biza zeo kuli “zabutokwa,” mi Mulimu u li biza “butanya.” Mwabona, ki kushutanisa fela. Mwabona? Mi taba ya sepisize Mulimu, Mulimu uka eza mane sa ezize kale. Mwabona? Ki luna ba faa.

201 Cwale, niteñi, u siala sina mwa na inezi, ki Eva wa Muheberu. Feela hana ku lieza. Wakona kuzusa bafu; wakona kubona Moya wa Mulimu. Jesu na tile inza Ipaka kuba Mwana Mulimu. Pili, A kala kukutaza. Kihande, ne ba hupula kuli, “Kihande, ki Mutu ya ipitezi cwalo. Ki mañi Yo, niteñi?” Kihande, taba yapili mwa ziba, sicaba sakala kubulela . . .

202 Kakuli, ne ba bulezi, sapili, nako ya taha mutwaleti wa Hae, Joani, ba li, “Kana ki wena Mesia?”

203 Yena ali, “Batili. Kono Yena uyemi mwahala mina kokuñwi.” Uh-huh. Mwabona? Kiñi? Na ziba, liñusa la hae ha li to utwahala, sa na ka eza. Na ziba sa na ka eza.

204 Inge fela Nuwe mwa na tundamenezi kutalima Enoke. Enoke ha ya, Nuwe ali, “Mbwesha ni sutelele bukaufi ni areka. Nako i fa kaufi.” Nuwe azwelapili kutalima Enoke. Mwabona?

205 Mi Joani na talima sisupo sa na mu bulelezi Jesu, kamba sa na mu bulelezi Mulimu, ku si tokomela. Kicali, “U yemi ku luna cwale, kokuñwi mwahala mina. Ha ni Mu zibi, kono Ni ka Mu ziba.”

206 Inza yemi fani, ba li, “Kana ha ki wena Mesia?” Bali, “Lu lumilwe ki nkambe yetuna.” Uh-huh. Bali, “Ba bahulu, ni likombwa kaufela, li lu lumile kwanu. Haiba ki wena Mesia, kiñi ha u sa tahi mi u itibahaze kwani, isiñi kwanu mwahala sikwata se kwanu! U lukela kutaha kwanu mi u i tibahaze.”

207 Ki ali, “Ha ki na Mesia.” Ki ali, “Ni linzwi la ya huweleza mwa lihalaupa.”

208 Zeo za ba fiwa fa litho kufitelela luli. Hakuna se ne ba ziba ka zona, mwabona, kanti kaufela ne ba libelela kuli atahe. “Kono ne i sa lukeli kuba mutangana ya cwalo. Oh, mawi, zeo likona kuba bumaswe!”

“U zwa kwa sikolo mañi?”

“Hakuna.”

“Kana una ni kadi ya kopano ya henu?”

“Ki ye cwani?” Mwabona?

²⁰⁹ Na tozizwe ki Mulimu. Ki ali, “Kuna ni nto iliñwi ye Ni nani. Silepe se si yendekilwe kwa mubisi wa kota.” Cwale, kona fela zana—kona fela zana sweli. Na bulela sina ka muuna wa mishitu, isiñi ka manzwi a muituti wa za bulapeli; libili ni licapu, ni likota, ni zeñwi cwalo. Na—na sa amboli ka manzwi a bukutazi.

²¹⁰ Kono Jesu ali kwa li kuba mupolofita yaswana ni yena. “Mane hakuna muuna ya pepilwe musali, yaswana ni yena, kufitani lizazi lee.” Yeo ki niti. “Na fita mupolofita.” Na li numwana wa Bulikani, ayema mwahala li—li linako zepeli, ze ne sa taha. Mwabona? “Na fita mupolofita.”

²¹¹ Mi he cwale—cwale ne ba si ka mu ziba. Ne ba sa mu utwisisi. Ne li fela mutu ya ipitezi cwalo, kacwalo ba palelwa ku mu lemuha, nwabona.

²¹² Mi cwale Jesu ha taha, cwale, mi kaniti ne ba si ke ba Mu amuhela, yena kakuba Mushimani wa mubeti, nekusina ze cwalo, ni libizo le linsu mwa mulaho wa Hae, la kuli “mwana wamwa bucwani.” Mi, Yena, ne ba si ke ba tabela kubona Mutu ya cwalo.

²¹³ Kono, kono mutalime Mulimu za na ezize. A nga ba ba si ka ituta, babotana, bayambi, baana ba mishitu, linjimi, ni mahule, ni kusiya baika bali kuitulela fani. Kiñi? Sikamañi? Kiñi za Na ezelize cwalo? Kiñi za Na ezelize taba ye cwalo? Mwakona kunahana ka zona? Kakuli ona sicaba sani ne si Mu lemuhile kuba Linzwi. Cwale ha lu ba talimeñi fa muzuzu nyana.

²¹⁴ Ki yo fa muyambi yasina za ziba, hakoni kuñola libizo la hae. Biblele ibulela kuli nali “sitimbi mi yasika ituta.” U tisa litapi za hae ni kuina fafasi. U ya kwa sibaka ku yo bona lilata le li ezahala kwateni. Kono mwahali ku yena, na ziba kuli Biblele ne i bulezi kuli Mesia . . . Maheberu kaufela ne ba libelezi Mesia, kakuli ne ku lukela kuba taba ya Mañolo ye ne ka ezahala nako Ya taha.

²¹⁵ Ne se kubile bo mesia ba bañata hahulu, bene ba hulile ni kubulela kuli, “Ki na Yena,” mi baba kelusa, ka mianda anda, mi—mi ba yunda ni lika kaufela. Kono, mwabona, zeo ne li kuli li kasheze kwahule w Wa niti ha Sa tile.

²¹⁶ Lu bileni likubo za bo Elia ni liapalo, ni lika zeñwi kaufela, kono zeo—zeo—zeo—zeo ki ku lyanganisa fela sia sa niti nako ye si taha. Mwabona? Yeo ki niti. Mifuta kaufela ya batu ba ba tinanga mikanjo ni liapalo, ni ba ba pumbekilwe mwa likuwani ze futukile, ni lika kaufela. Zeo hali . . . Zeo—zeo fela libonisa fela. Kuswana sina dollar ya buhata, ki kubonisa kuli kuna ni ya niti kokuñwi, haiba fela ukona ku ifumana. Mwabona?

²¹⁷ Konakuli ki yo Ataha. Cwale baika bao ba taha, mi nebali kwa neku la kuyolisa kwabona! “Kiñi,” ne ba i ze, “cwale,

haiba Mesia ataha, Una ni kutaha ku Kaifasi. Uka taha kwa kopano ya luna. U ka taha kwa Bafarisi.” Basaduki, “Zeo kona ze mu nahana! U ka taha kwa Basaduki.” Mi ki bani nebali fani, mwabona, kinto yeswana ni ze ba nani kacenu, cwale.

218 Kono cwale Ha taha, ne li nto isili. U ka taha, oh, ka kushutana luli ka mo ne ba nahanela, kono A taha ka Linzwi. Mi ne ba si ka lemuha Linzwi.

219 Halu boneñi ni bulele seo, hande, kuli mube...sikone kunwela hande mwahali. Ni bata kuli se sifite fateni. Boo kona butata bo bu li ku mina kacenu, mwabona, ha mu zibi Linzwi! Mwabona?

220 Jesu naize, “Mwakona kulemuha mubonahalelo wa lihalimu, kono lisupo za nako mwa palelwa ku lemuha.”

Bali, “Luna ni Mushe.”

221 Kacwalo, ali, “Kambe mu mu zibile Mushe, ne mu ka Ni ziba nina.” Ne ba sa mu zibi Mushe, mi kabakaleo ha ba si ka ziba. Ba ziba fela tuto ya tumelo yene ba ipumanezi.

222 Cwale ha lungeni muyambi wa kale yoo. Wa lula mashiño ahae fafasi. Ahoaha mulelu wa hae wa limbi fafasi, ni kuzamaya cwalo, “Ni lumela kuli Ni ka Mubona kuli ki ya cwani.”

223 Muzwale naize, “Taha kwanu. Ha luyeni kwa sibaka see.” Ali, “Yani ki yena Mutangana ya swana. Yani ki yena Mutangana ye ne ba bulezi zazi leliñwi...Ne ni tona busihu kaufela maabani ni Yena. Wa ziba Joani, ye Ne ni sweli kuambola za hae?”

224 “Eehe, muuna wa mushitu yani kwani! Eehe, Ni utwile za hae.” “kihande,” Simoni wa mucembele, mwa ziba, naize, “Ni utwile za hae kwani. Eehe, naliteni kwani, likweli zepeli kamba zetalu zefitile, kulo kwani. Eeni.”

225 “Kihande, ki hali...Mi zazi leliñwi na yemi fani, abulela taba ye ipitezi. Ki hali, ‘Mwa ziba, ki Yo wa taha cwale!’ Se bali, ‘U ziba cwani?’ Atalima kwanu; neli fela Mucaha ya zibahala sina babañwi ali kuyema fani. Ki hali, ‘Ni bona Moya wa Mulimu, sina liiba, ha li shetumuka. Ni utwa Linzwi le lili, ‘Yo ki Yena. Yo ki Mwana Ka mo Ni katelwa kupila teñi.’” Mi akena mwa mezi ni ku Mu kolobeza, ni zeñwi cwalo. Kihande, kwani, abulela kuli na Mu zibile.”

226 “Oh, Ha ni zibi,” Simoni abulela. “Ni utwile litaba zeo kaufela, linako zeñata.” Kono fa kiyo wa taha. Kono haili mwa pilu ya hae nali peu ye leliñwe kale. Mwabona? Jesu abulela cwalo. Kiniti. Ataha ku Yena. Ataha cwalo. Ali, “Ni ya kwa mukopano ni bone.” U ya kwani.

227 Jesu na yemi fani, ali fela Mushimani yaswana sina babañwi. Ataha kuyena. Mi ali, “Kupalañi, libizo la hao ki wena Simoni. Mi libizo la bo ndataho kibo Jonasi.” Zeo za mu pompolola. Kiñi?

Yona peu nyana yani, ya Bupilo Bobusafeli ya nata mwahali mwani. Eeni, sha.

228 Ali, “Libelela fa muzuzu! Zeo likonahala cwani? Ha u si ka ni bona kale fateni. Kamba mane ha U muzibi ndate, kakuli sa shwile seli myaha. Kono Wena ha utaha, u ni bulelele zeo? Cwale, Ni ziba kuli Bibebe ili . . .” Cwale, zeo ha ki ku kutela ku ba bulele bashemi. “Kono Bibebe ibulelela kuli Mesia ukaba Mupolofita. Ki Yani fani. Yani ki Yena.”

229 Zazi leliñwi Afita mwa Samaria, inza shetumuka kwani si sikwata sa Majuda. A ba siya. Mi yena musali nyana wa libubo lelimaswe yoo a taha, mwendi neli kalibe yomunde wa mwanana, mwa ziba. Mi na kashelizwe mwa mikwakwa, inge asali mwanana. Mi nasweli kufita ku zona. Mwendi nasweli kunahana taba yeñwi. Afita kwani ni kulula buleke bwa hae fafasi. Mi akala kupikulusa sikiso mwatasi, mwa ziba, kuli ake mezi. Mi autwa Muuna yali, “Ni fe kwa mezi Ni nwe.” Musali atalima kwa ni kwa, mi fani kuinzi Mujuda wa mutangana cwalo.

230 Ki hali, “Hanili U Mujuda? Ha u lukeli kueza cwalo. Ha ki swanelo kuli U bulele ni na. Na i Musamaria.”

231 Yena ali, “Kono kambe wa ziba Ya ambola ni wena, no ka tisa . . . no ka Ni kupa mezi.”

232 Ali, “Sikai sikiso sa Hao?” Mwabona? “U kai muhala wa Hao?”

“Kihande,” Ki hali, “Mezi o Ni fa ki Bupilo.”

233 “Ki sikamañi?” Mwabona? “Kiñi,” musali ali, “kiñi, mina kaufela mubata kulapelela mwa Jerusalem. Mi bashemi ba luna ba lapelezi . . .”

234 “Oh,” Mi ali, “yeo ki niti,” kono, “luna Majuda lwa ziba ze lu lapela. Kono,” ali, “wa ziba, nako yataha foo—foo batu habasike ku lapelela mwa Jerusalem kamba mwa lilundu leo.” Ki hali, “Baka—baka lapela Mulimu mwa Moya, kakuli Yena ki Moya, Moya ni Niti.” Kihande, musali akala kubala, mwa ziba.

Mi ki Hali, “Zamaya u yo biza muuna hao mi mutahe kwanu.”

Musali ali, “Muuna ka? Ha nina muuna.”

235 “Kiñi,” ali, “yeo ki niti.” Ali, ali, “U zamaile ni ba ketalizoho, mi una ni wa bu silezi cwale.” Mi ali, “U bile ni na ketalizoho. Mi—mi, wa, mwa ziba. U bulezi niti.”

236 Mutalime! Neli sikamañi seo? Liseli lani la monyeha fa peu yani. Ne nze i liteni mwani, ye ne bulezwi ki Mulimu. Eeni, sha.

237 Peu neili mwa mubu. Mulimu ha zwisa mezi, mi lizazi la monyeha fateni, ya mela. Yeo ki niti. Mwabona? Kona fela ze ne i tokwa, neli lizazi. Ne i tokwa fela liseli. Eeni, sha.

238 Mi cwale Moya o Kenile, ku Yena, wa felisa bupilo bwa hae bwa kale, ni kubonisa ku yena, Liseli lani la i monyeha. Musali ali, “Muñaka, Ni lemuha kuli U Mupolofita.” Musali ali, “Cwale, lu ziba kuli, Na ziba, kuli Mesia ha ka taha, kona mwa Ka to bela. Mi ha lu si ka ba ni mupolofita fa myaha ye eza mianda anda. Ha lu si ka ba ni mupolofita wa niti, fa mianda anda ya lilimo.” Mi musali ali, “U ni bulelela cwani ka za muuna ka, ni ku Ni bulelela bo Ni bile nibona ni zeñwi cwalo. Kiñi,” ali, “Ha ni utwisisi se.” Ali, “Mesia ha taha, kihande, U ka eza ona litaba zee. Kono ki Wena Mañi?”

Mi ali, “Ki Na luli.”

Ani neli mafelelezo. Mwabona? Lihule!

239 mi baprisita batalima kwa ni kwa mi bali. . . Kihande, bana ni kualaba kwa puteho yabona. Bali, “Musike mwa lyanganiswa ki mucaha yani. Yena—yena u taselizwe fela ka dimona. Kihona.” Cwale, yeo kona shutano. Yeo ki nto yeswana ni kacenu. Mwabona? Ki nto yeswana ni kacenu, lizamaelela fela hande. Eehe. Eeni, sha.

240 Musali, a ziba ona fani, kakuli Liseli ne li monyehile Fateni. Neba na-. . . Bayambi bani, baana ba mishitu, linjimi, batelisi, mahule, ne baboni ku Yena sa na bulezi Mañolo kuli Uka eza. Mi Bafarisi ne ba sa liboni, bakeñisa sizo sa bona. [Muzwale Branham wa kutumana mi u bonisa lisupo ka nzila yeñwi. Kopano i alaba ka tumelelano—Mu.] Ne ba si ka libona, bakeñisa lizo za bona. Kono haili lihule, linjimi, ni bani kaufela, ba Li bona, kaufela be ne ba leliwwe kale. Mi ku kakanya ha ne kufelile, peu yakala kuhula. Yeo ki niti.

241 Kiñi sa na ezize musali? Na ize, “Ni tabile Ni katani Mesia”? Oh, batili, muzwale. Kapili akena mwa munzi. A libala mezi mane. Mi ali, “Mute, mu to bona Mutu Ya ni bulelezi ze Ni ezize. Kana se ha ki sona sa bulelela Mañolo kuli Mesia uka lieza? Kana se ha ki sona luli sani?” Mi sicaba sa bona yona nto yeswana yeo.

242 Sina Jesu Krete ha na bulezi, ku Muhalalehi Joani 14:12, li ka ezahala hape. U i bulezi hape ni mwa Luka, ha Na ize, “Mo ne kuinezi mwa mazazi a Nuwe.” Ka mo Mulimu na iponahalisize Iliyena ku Muuna, ya nali kwa mulaho wa Hae; ni sa na ezize Sarah, kuseha mwa tende. Mi Mañolo a kaufela, a Malaki, ni zeñwi cwalo, ze bulezwi mwa mazazi a maungulo. Maheberu 4 iize, haiba “Linzwi” likuta. Malaki 4 ibulezi kuli Li ka kutela hape ku mutu. Maheberu 4 iize, “Linzwi la Mulimu li lemuha milelo ni maikuto a mwa pilu.”

243 Mi ba libona ha li ezahala, ni kuzwa fapila zona. Lizo za bona za lipata ni ku li feza mata. Kihande, luteni fela fa. Ku felile. Uh-huh.

244 Mwa ziba, Wa kona ku eza zeswana kacenu. Ukona kutaha mwa sibaka ni kuezza zeswana za Na ezize nako yani, sina mwa Na bulelezi kuli Uka eza. Mwabona? Na sepisize ku li eza. Na

sepisize ku li eza. Haiba Na ka eza zeswana, numwana wa Laodesia u swanela kueza cwalo.

²⁴⁵ Mi cwale haiba keleke ya Laodesia i libona ha li ezahala, ba ka eza ona cwalo sina keleke ya Maheberu mo ne i ezelize kwa simuluhu. Um-hum. Hakuna taba kamba Li ka pakwiwa hande cwani, oh, ba ka li eza, nihakuli cwalo. Oh, mawi!

²⁴⁶ Cwale, I bulela kuli ku kaba cwalo. Lu ka kutela kwa Linzwi la makalelo, ni kubonahaliswa sina mo ne li sepiselizwe, ku kutisa hape Tumelo, Tumelo ya makalelo, hape. Mi ha Na ka itibahalisa Iliyena kuli Na pila mwahala sicaba sa Hae, ka kueza lika zee; Mane una ni siswaniso sa Hae se si swanisizwe, kupakiwa ka sayansi. Mi niteñi ha ba li lumeli. Ni kupakiwa, alumeleza kuli liito la kamera ya lisipi i Mu swanise inza yemi fani, ona Siita sa Mulilo se si swana sani, kuswana maabani, kacenu, ni kuyakuile, Maheberu 13:8, kubonisa kuli ki—ki za sayansi, ni mikwa yeñwi kaufela, za sayansi mwa buino bwa za moya. Mwa mikwa kaufela ne—ne sikona kupakiwa, mi si pakilwe.

²⁴⁷ Mi, mwa ziba, ba ka eza lika zeswana mane. Ba ka zamaya fela ona cwalo ni kueza sina mo ne ba ezelize.

²⁴⁸ Oh, Mulimu lu tuse! Oh! Lu ka yemela fela ona fa. Kono, Mulimu lu tuse kuli lubone cwale, kona tapelo yaka, hanze lutaha cwale. Kakuli, Ha ni tabeli ku mi buluka hahulu nako yetelele. Mulimu alu tuse ku li bona. Ni lumela kuli mwendi, Moya fahalimwa luna, ukaba ka yona nako ye kuli Alu tuse kupatulula, kukwalula lona Liswayo lee.

²⁴⁹ Ha lu baleñi. Halunze lubona buino bwa keleke mo iinezi cwale, lubona ko ibile teñi, luboni se i ezize, luboni kone i lukela kutahela, luiboni kwani, mi lu boni se ne ba lukela kueza. Ba ezize fela ona cwalo. Cwale mwa bona fo luinzi kana? Mu ikatulele mina bañi. Na hanikoni kuatula. Ni na ni fela musebezi wa kutisa Linzwi kihona. Kuya fela ka mo Li fezwi kuna, kona mo Ni Li fela nina. Kufitela Lifiwa ku na, Hanikoni ku Li tahisa; hakuna ni yomukana yakona.

Cwale ha mamulula liswayo la bulalu, Na utwa sibupiwa sa bulalu ha sili, Taha u tobona. Mi ha Ni talima, na bona pizi ye nsu; mi ya ipahami usweli sikala mwa lizoho.

Mi Na utwa linzwi mwahali a libupiwa ze ne zepila le li li, Tikanyho iliñwi ya buloto ileka six-pence, mi litikanyo zetalu za mabele li leka six-pence; kono u si ke wa sinyo oli ni . . .veine.

²⁵⁰ Cwale, Ngunyana usweli Buka mwa lizoho la Hae, u mamulula Maswayo. U mamuluzi la pili, la bubeli, mi cwale U mamulula la bulalu. Mi Ha sweli ku li mamulula cwalo, Ngunyana wa li mamulula, Liswayo la Bulalu, Sibupiwa sa bulalu. . .

251 Cwale ki ba bakai ba ziba Sibupiwa sa bulalu mo si bonahalela? Ne si bonahala inge mutu. Sa pili ne si bonahala inge tau; sesiñwi ne si bonahala inge namano, kamba pulu; mi sa bulalu ne si bonahala inge mutu, ne li mutu. Mi a utwa si—si Sibupiwa se sipila, si—si Sibupiwa. Sibupiwa se sipila, inge mutu, sali ku Joani, “Taha, ubone mo Siinezi, yona kunutu yepatilwe kuzwa kwa simuluhu.” Mwahala masika kaufelaa puluso, kuzwa haisamba lifasi litomwa, I patilwe mwatasa Liswayo le, ze ka ezahala. Cwale, “Taha, utalime mo Si inezi.”

252 Mi kacwalo A I mamulula. Mi mushika wa pula wa utwahala, mi Ngunyana amamulula Maswayo.

253 Cwale, mi Joani a pahama, kuli abone se ne Sili sona. Ki sikamañi sa na boni? Abona pizi ye nsu. Mi mupahami wa hae inza sweli sikala, kamba likala, mwa lizoho la hae. Cwale, yeo kona nto yapili ya na boni. Mi Ngunyana ha i Li zibahalisa, ya mamulula Liswayo, mi Sibupiwa sesiñwi. . . Mwabona, Libupiwa zani lisweli za pikuluha, ka za ku zibahalisa kuli “Taha, utobona.” Mi Joani, fa na yemi, mwendi sina *cwana*, u taha kwa neku le, Ngunyana ha mamulula, ni kuzamaya cwalo. Hañata. . .

254 Mushika wa pula wa luma, sina ha luboni mwa Liswayo la Pili. Mi u talima kubona se singa sibaka. Mi ubona mutu ya taha, pili, apahami fa pizi yesweu. Wa mu talima inza pahami cwalo. Mane ku shetumuka ona cwalo, Joani a mu bona ku yo punya kwa mafelelezo. Wa mubona ha shetumuka, pizi ya hae yesweu, asweli buta mwa lizoho la hae, mi ni—ni mupahami na, mi hana masho ateni. Mi taba yetatama ya bona, u fiwa kuwani wa bulena, ki yo uzwelapili inza pahami cwalo.

255 Mi lu fumana kuli, cwale, Ngunyana, ki yo wa taha hape, U mamulula leliñwi. Mi wa talima. Cwale ki yeo yataha pi—pi pizi ye soto. Muuna yo una ni lilumo mwa lizoho la hae. U taha cwalo mwahala Mañolo, mwabona, ni lilumo mwa lizoho la hae, mi na lukela kubulaya ni kuzwisa kozo mwa lifasi.

256 Cwale Ngunyana u mamulula Liswayo leliñwi. Sesiñwi sa Libupiwa zepila, se si swana sina mutu, sali, “Taha, u tobona.” Cwale ki yo wa taha, atobona kuli ki nto mañi. Mi ha sa ezize cwalo, kwa taha mupahami fa pizi ye nsu.

257 Cwale, maabani busihu, ne lu fumani kuli mupahami yaswana ya na pahami pizi yeasweu neli yaswana ya na pahami ye soto.

258 Mi Linzwi lali, mwahali a Libupiwa, la huweleza, mwa bona. Kwani, ataha ku to bona kuli neli sikamañi: Na li mwa Sibupiwa sesipila se. Mi abona pizi ye nsu yee.

Mi cwale. . . linzwi mwahali a libupiwa zene la bulela lali, Tikanyo iliñwi ya buloto ileka six-pence, mi—mi litikanyo zetalu za mabele li leka six-pence; kono ubone kuli usike wa sinyu oli ni veine. (Mwabona?)

259 Mupahami yoo, ha lu amboleñi za hae. Haiba mu ka lemuha mupahami wa pili, mwa na inezi. Mi ne lufumani cwana, maabani busihu, ka Mañolo, kuli mupahami wa bubeli ne li mutu yaswana fela, fela na li fa pizi isili kihona. Kiñi ze ne ezahalile? Na cincize bulumiwa wa hae. Mwabona? Kiniti. Ne lu fumani kuli neli antikreste, mi na cincize sibaka sa hae.

260 Ne lu fumani kuli yena, pili, neli fela pizi yesweu, ya to ba tuto. Cwale, lungile yeñwi ni yeñwi ya zona hande mwa Mañolo. Mwabona?

261 Cwale, mutalime fo lu inzi, busihu boo, lusika lusili lwani cwale. Mwabona? Lu taha lushetumuka kwa lusika lwa keleke ya bulalu cwale. Mwabona? Kulibana hande ni lusika lwa keleke yabulalu, kuswana fela mane sina pizi yabulalu. Mwabona?

262 Cwale, lusika lwa keleke ya makalelo, neli lufi? Manikolai nebana ni tuto, mwabona, lona lwa makalelo fela lwani. Ku lukile. Mi he, nto yapili ye lu ziba, tuto ya Manikolai ye, ya to nyatelwa ni yaba swanelo, mane ya kenyiwa mwa kezo. Mi bafa kuwani ya bulena mutu yoo. Mi, moya woo, antikreste, aba mwa mubili wa mutu. Mwabona? Mi lu fumana kuli, kasamulaho nyana, aba diabulosi mwa mubili, ni yena; dimona ya ikela, mi diabulosi ataha mwateni.

263 Mi fela sina keleke yani mo i bezi ya sishemo, keleke ya antikreste, izwelapili; kona ni yena Munyaliwa mwa yahezi ni lika zeshutana: ka kubeiwa baba lukile, kukeniswa, kolobezo ya Moya o Kenile, ni kuzwelapili cwalo fapili, mwabona, ona cwalo fela. Fela, ne ba ngile ancafazo yabona pili, mi Keleke isweli kunga ya yona lwa mafelelezo. Lilimo zabona zapili za makalelo. . . likalulo zetalu za makalelo za bona ze ne i le mwa lusika lwa lififi; mi ya bulalu, likalulo zetalu, kwa taha Keleke mwateni; kuzwa kwa kuluka, kukeniswa, kolobezo ya Moya o Kenile, kutaha ku Mulimu yapila mwa mubili yabonahalile mwahala luna. Ki yo wa taha mwateni, sina antikreste, sina mupolofita wa buhata, mi kutatama sibatana, mi seli mwa lusika lwa lififi. Mi kipeto Keleke izwa mwa lusika lwa lififi lwani; kuluka, kukeniswa, kolobezo ya Moya o Kenile, Linzwi mwa mubili, nzila ya cwale. Mi ki yo wa shetumuka. Uh-huh. Mwa bona seo? Wa shetumuka. Keleke ya pahama. Mwabona? I petahalile fela mo ikona kubela. Oh, kinto yende. Na ilata fela.

264 Mupahami yo ki yena yaswana, kono ki kalulo yeñwi ya bulumiwa bwa hae.

265 Kalulo yapili, pizi yesweu, mwabona, nali fela muluti, neli fela muluti wa antikreste. Na lwanisa Linzwi la Mulimu.

266 Mi kana ukona cwani kuba antikreste? Mutu kaufela ya latula Linzwi kaufela la ye kuli haki niti, ni ku lutiwa fela ka kuswana, ki antikreste, kakuli ba latula li—li—li—li—li Linzwi. Mi Yena ki yena Linzwi.

267 Cwale, kalulo ya pili, pizi yesweu, nali fela muluti, kono moya wa antikreste mwa tuto yateni ni mwa tikanyo yateni. Neli yesina mulatu. Nekusina se ne ikona kusinya, mo ne ibonahalela; inge izwelapili fela. Cwalo kona Satani mwa tahelanga. Oh, ki nyunywani ye butali luli.

268 Na bulelezi Eva, kuli, “Cwale, u ziba kuli ubata butali. Ha u zibi zende ni ze maswe.” Ali, “Cwale, kambe meto a hao na kwaluhile, no ka ziba.” Mi ali, “Muselo wa tabusa luli. Ki omunde. Ki—ki o lakazisa ha u talimwa. U swanela ku ikutwela ona cwale. Ha u zibi kamba u cwalo, kamba kutokwa, nji wa ziba?”

“Batili, Ha ni zibi. Kono Mulimu ubulezi kuli lusike lwa eza cwalo.”

“Kono, oh, kihande, Na ziba, kono. . .”

“Mulimu uize Uka. . .lu ka shwa.”

269 Mi ali, “Luli Hana ku eza cwalo.” Mwabona, ka munati fela mo ne ukona kubela. Mutalime sa na ezize.

270 Mutalime mota wa antikreste wo ha u taha mwahala keleke ya makalelo, ki tuto ya Manikolai. *Nikao*, “kukoma” keleke, kueza mutu kuba ya kenile. Oh, kuswana fela sina mwa-. . . “Kihande, lu bata fela kuba ni kopano. Kiñi, muhasanezi kwande kwanu; hakuna ya ziba ko kuinzi yomuñwi. Ni sepa kuli lu swanela kuba ni katengo ni kuba fela ba bashutani. Mwabona, lu ya, luipeye hamoho. Lu swanela kuyaha ndu ya malobalo ya yona.” Mi seo kona se ili sona. Hakuna nto ye cwalo ya kuli Christian Church of Methodist. Yeo ha ki Keleke; yeo ki ndu ya malobalo. Baptist, yeo ha ki Keleke; ki ndu ya malobalo.

271 Kuna ni fela Keleke iliñwi, mi yeo ki Mubili wa kunutu wa Jesu Kreste. Mi mupepwa ku Ona, yeo ki niti, ka kulemuhiwa kale. Yeo ki niti. “Kaufela ba Ni file Ndate ba ka taha. Hakuna ya kona kutaha konji ha bizizwe ki Ndate. Mi kaufela Ba Ni file, ba ka taha ku Na.” Kona, kuli, kona cwalo. Yena fela. . .

272 Ngunyana uina ona fani, inza—inza ba lapelela, kufitela wa mafeleleza a kena. Mulangi nyana wa lila, mi U zwela fande ni kunga sibaka sa Hae fo cwale, mwabona, ku felile; utisa Keleke ya Hae kwa Hae, sicaba sa Hae. Ni kunepela sila sa Hae mwa Lisa la Mulilo, ni sicaba sa hae kaufela si yelela hamoho ni yena, mi iba mafelelezo. Mi luna luzwela mwa Mileniamu.

273 Mupahami ya swana, cwale. Kalulo yapili ye, na si na mulatu. Mi ya bubeli, cwale, ha no ka ya fahalimu nyana, fahule nyana kufitelela foo; kalulo ya bubeli, Bibebe ibulezi kuli na filwe “kuwani wa bulena.” Mi ba fa mutu kuwani wa bulena, muika wa mukomi. Mwabona, bamufa kuwani wa bulena! Mi, cwale, Bibebe ne i si ka mubiza popu. Bibebe ne i mu bizize kuli “mupolofita wa buhata.” Kiñi? Eehe. Ki niti sha, u lukela kuba mupolofita wa buhata, ka moya wa antikreste wa hae, ya na

lutile antikreste ka kushutana ni Linzwi la makalelo. Kakuli, haiba na luta kushutana ni Linzwi la makalelo, neli antikreste. Neli cwalo. Mi Linzwi ki Mulimu, mwabona, Kreste. Ku lukile. Cwale, kuzwa foo, lu mu fumana kuli u apesizwe kuwani ya bulena. Mi cwale ha na filwe kuwani ya bulena, ki yasina mulatu mane hana neba mata. Yena ki mucaha fela yo musisani.

²⁷⁴ Kono cwale mwa katengo kaka bizwa Nicaea Council, aezwa cwalo, mi Constantine amufa libyana kaufela. Mi cwale ki ñi sa na ezize? Cwale yena, mwabona, Satani, amufa lubona lwa hae ni puso. Bibebe ibulezi ona cwalo, sina ha lufitile ku yona.

²⁷⁵ Cwale, taba yetatama ye lu fumana, ki kuli diabulosi u zamaisa litaba za naha kaufela zebile teñi ni ze kabateni kaufela. Lu fumana zeo mwa Mateo 4:11. Mi cwale lu fumana kuli, cwale, Satani na sweli kale litaba za naha.

²⁷⁶ Kono ulika kunga Keleke, kuli a shetumuke a yo I puma. Unga muika wa hae mukomi, u mu kenya mwa katengo, ni ku mubeya mushukwe wa “muyemeli,” mwabona, kreste mwa bunyinyani. Kreste na yema mwa sibaka sa Mulimu. Mwabona, mutangana yo ki muyemeli, mwa sibaka sa Mulimu. Mwabona? Kinto yeswana fela, “mwa sibaka sa Mulimu,” kiñi sa lukela kuba, ki muyemeli mwatasa Kreste.

²⁷⁷ Cwale, cwale, ha na ezize cwalo, kipeto kiñi sa na ezize cwale? Yena, Satani, anga mata a hae a mibuso, ili za na zamaisa ni sapili, ni kunga mata a bulapeli, za na filwe kale kuwani ya bulena ka zona, ni kulibeya hamoho.

²⁷⁸ Mi hape a mufa kuwani yeñwi ya bulena bwa lihele. Mi haili bene ba shwile, hane ba ka lifa mali amañata, na ka ba lamulela. Mwabona? Kacwalo cwale yena—yena ki muyemeli wa Lihalimu, fahalimwa limbo, ku ya ka mwa batela kulibizeza. Hakuna taba yecwalo mwa Bibebe, mwabona, kono nana ni kuezza nto yeñwi. Bibebe ibulezi kuli ne li zwelezi mwa mukoti osina mafelelezo, ni kukuta ka nzila yeswana. Mi, fa lifasi, ki mubusisi!

²⁷⁹ Cwale kiñi sa na filwe he? Pili, nana ni buta, kono nasina lisho ni le likana. Kono cwale una ni lilumo lelimata mwa lizoho la hae. Wakona kuezza sika cwale. Mi cwale utuluka fa pizi ya hae yesweu; mupahami wa pizi yesweu uzwelapili cwalo. Cwale u belesa yecwani? Pizi yefubelu, mali, pizi yefubelu-telee sina mali. Yena luli upahama ona yeo. Oh, luli. Cwale u filwe mata a matuna ni lilumo lelituna, kuli abulaye, mi upahama pizi ya hae yefubelu-telee sina mali.

²⁸⁰ Lu bona, kuzwa mwa Liswayo la Bubeli, le ne li kwaluhile maabani busihu, na zwisize kozo mwa lifasi mi ba bulayana. Mi bubulai bwa hae, bwa keleke yaba Roman Catholic, bubonisa kuli ne ba bulaile Baipanguli baba kuma fa sikisite-eiti milioni, kuzwa ka nako ya Saint Hippo wa . . . kasumulaho wa Saint Augustine wa Hippo, konji ka fifitini handeleti ni eite bukana. “Sikisite-eiti milioni.” Zañozi Schmucker zakuli *Great Reform*,

haiba mubata kuibala, *Glorious Reform*, nitaluse, mwabona. Cwale, sikisite-eiti milioni kona palo yeliteni mwahala baba bulaezwi bupaki bwa kreste! Kanti alimuñwi wa baba bizwa kuli bahalalehi na bile ni sinulo kuli mutu kaufela ya na hanyeza keleke ya Maroma na lukela kushwa sina muhanyezi, zeo ne li ba beile fela mwa sibaka sani. Mushimani, aya ku yo sulula mali! A—a tula kuzwa fa piz- . . . , kamba, pizi ya hae yefubelu, mi ayo pahama. Oh!

²⁸¹ Cwale mata a hae amatuna a taha. A ezwa muyemeli wa Lihalimu, mi alapelwa sina Mulimu. Mubusisi wa lifasi, ka kukopanya keleke ni naha hamoho, ba muezza kuba mubusisi fa lifasi; ba mufa kuwani ya bulena fa toho. Nakona kulapelela mioya kuzwa mwa limbo. Mane hape nakona kulap- . . . Na swana fela sina Mulimu, fa lifasi, mwa sibaka sa Mulimu. Hamoho, nana ni mata a kubulaya kaufela ya na si ke ku lumelelana ni taelo ya hae. Kimañi ya ka ipuma kubulela sika kuyena? Keleke hakuna zeikona kubulela; ki yena toho wa yona. Naha hakuna zeikona kubulela; ki yena toho wa yona. Kacwalo, ba shwa ka ma milioni. Likeleke zenyinyani zani kaufela, muzwale, ne li shandaukile, mi a bulaya ni ku silaha katata, ni kufepa litau, ni lika zevwi kaufela. Mwabona? “Dragoni,” Rome, “amufa sipula ni puso.” Bibeke ibulezi ona cwalo. Mwabona? Kacwalo a pahama mufuta wa hae, pizi yefubelu ka mali a batu, konji ha i yo ba pizi yefubelu.

²⁸² Cwale Joani u mubona fa pizi ye nsu. U cincize, seli nto isili.

²⁸³ Cwale Ni nani ku—ku bulela taba ye ka mo itahela fela kuna. Mi cwale haiba itaha kuna mi ni sa i bapanyi kwa Mañolo amañwi, kipeto Mulimu ha ki yena ya ifile. Mwabona, Mañolo ana ni kuba, lifi ni lifi, kinto iliñwi fela yetuna—yetuna sina cwalo. Liñolo lina ni ku lumelela ni Liñolo. Mi kaufela se si shutana kwa Liñolo. . . Haiba Lingeloi la Mulena lani li ni bulelela taba ye si ya Mañolo, Hanikoni ku Li Lumela. Mwabona?

²⁸⁴ Ne ni ize, kwani kwa Chicago zazi leliñwi, inge kuna ni bakutazi baba eza mianda anda bani. . . Nekusina mutu kwa mukopano wani? Luli. Mukopano wani mwa Chicago, Ne ni ize, “Cwale, kaufela mubulela kuli muna ni. . . Mu nahana kuli ne mu ni lyanganisa fa, fa taba yeñwi.” Inge mo kuinezi mwa sibaka se cwale. Se nili, “Ki sikamañi? So ni lwaniseza.” Se nili, “Moya o Kenile u ni bonisize, myaha yemilalu kwa mulaho, fo ne ku kaba mañi ni mañi wa mina kaufela. Mi nelusike kuba mwa. . . Mubuze Carl fa haiba ha ki niti.”

²⁸⁵ Mi nekuna ni Hank ni bona kaufela bali, “Luli ki niti.” Kaufela nemuliteni kwani inge muikutwela.

²⁸⁶ Se nili, “Cwale mwa ni lwanisa, ka Tuto yaka. Kona sesili butata. Cwale Ni bata kuli alimuñwi wa mina atahe kwanu, utathe ni Bibeke ya hao uyeme bukaufi ni na, ni ku I nyaza.” Neli sikwata se si kuzize hahulu se mukile mwautwa fateni.

Se nili, “Muna ni butata mañi?” Se nili, “Kanti, haiba muziba kuli hamukoni kuyema kulwanisa Linzwi, kipeto amuzwe faa. Mina Baluti ba za Bulapeli ni zeñwi kaufela, ni kubulela mo mu ipizeza kuli kina ‘Dokota,’ ‘Dokota,’ ‘Dokota.’ Mi Na ni . . .” (Oh, Muzwale Wood ni Na lu bulelanga kuli “cheekhaker,” kamba “greenhorn.”) “Ha ni si ka ituta, na li kuba nifite mwa sikolo sa lituto za bulapeli. Kono unge Bible ya hao ni kutaha kwanu uni yeme kwatuko, u taluhanye za peu ya noha, kolobezo ka Libizo la Jesu, kamba yeñwi ya lika ze Ni luta.” Hakuna ya na bulezi linzwi. Kaufela mina mwa ziba cwalo. Sani neli sikwata se si kuzize hahulu ku ze mukile mwaba ni zona fateni.

²⁸⁷ Mwabona, ba tazanga fela lilata inge sikamañi ha Ni sa ziba. Cwale, cwale, ki se fa. Ha ni lumeli mwa kukanana ni batu, kono ha li taha fa sibaka sa kuli balika ku ku hapeleza mwa lika. Mi Ne ni si ke na ya, kono Moya o Kenile wa ni bulelela, kuli, “Zamaya kwateni. Ni ka yema ni wena.”

²⁸⁸ Na ba bulelela, mazazi amalalu kamba amane lisika fita kale. Kaufela nemuliteni kwani mi ne mu utwile Bo. Carlson ni babañwi, ni—ni Tommy Hicks. Mi kaufela bona baina fani. Mi Na ya, mazazi amalalu asika lisika fita kale, mi se Nili, “Mu na ni ku kansula sibaka sani.”

²⁸⁹ Ne li busihu bwa moya hahulu. Nenina ni mukopano. Ki hali, “Zamaya, u yeme fa lihaululo leo, fa sikwalo nyana sa bulalu seo foo.” Mi Na ya nayema fani. Na talima fande sina cwalo.

²⁹⁰ Ki hali, “Bana ni katwa ko ba ku teile. Ba ka ku kupa kuli ukutaze mwa mukopano wa Katengo ka ba Bakutazi kwa Greater Chicago.” Ali, “Ba ku teile katwa, ka tuto ya hao fa Linzwi la Ka.”

²⁹¹ Ki hali, “Cwale, ba ka kansula sibaka sani kwani. Habana ku ba ni sona. Mi ba ka fita fa kuli, kukaba mubala o fubelu.” Ali, “Ki cwana mo si ka bonahalela.” Na yema, mi Na ipona ilina mwa lilulu; na talima kwa mulaho kwani mi na bona. Na ba bona kaufela bona kwani. Na bona bakutazi kaufela inge bainzi kwani, ona cwalo fela mo ne bainezi. Na ba talima kamukana bona. Mi Ki hali . . .

²⁹² “Oh,” Na hupula kuli, “Ki hande ni si ke naya kwateni kanti, Mulena, haiba kona ze ba kaeza zeo. Ha ni lati kuholofaza maikuto abona kamba kueza sika se si maswe.”

Ki hali, “Zamaya. Ni ka yema ni wena.” Na yemi. Yeo ki niti.

²⁹³ Cwale, mina kaufela, kuna ni lipaki kulo moo, bene baliteni kwani mi baziba kuli yeo kona niti. Yeo ki niti. Kihande, muna ni matepu mo, hape. Kono, ki fo he cwale, mwa bona.

²⁹⁴ Cwale, cwale ki ye kunutu ya se. Mi cwale, Ki, ha ne Si patuluzwi kuna kakusasana cwana, li si ka pazula kale. Se Ni matela kapili kwa Mañolo ni kukala kuapula, kubalisisa hande. Ki sani fani. Zetalu zateni, cwale fa, se li patuluzwi hande, kuya

ka kuipitela. Eehe. Cwale ki ye fa kunutu ya pizi yensu, kuya ka mo ne i patululezwi kuna.

²⁹⁵ U kalile ku ipahama mwa linako za masika a lififi. Kona se ne ne iyemela pizi ye nsu, masika a lififi, kakuli neli nako mwahala busihu kwa balumeli ba niti bene ba siyezi. Mutokomele cwale mwa lusika lwa keleke yani, yona keleke ya lusika lwa fahali yani, lusika lwa linako za lififi. Mubone Mwa bulelela, “Una ni fela mata alikani.” Neli busihu luli kubona, ku mulumeli wa niti. Cwale mutalime. Kubulela ka swanelo sepo kaufela ne se i zwisizwe mwa Keleke ya niti, kakuli mutu wateni yo na zamaisa zepeli cwalo keleke ni naha. Kiñi se ba ka eza? Mwabona, Bukatolika ne se buhatelezi lika kamukana, bubeli bwa keleke ni naha. Mane kaufela, babane ba sa lumelalani ni Bukatolika, ne ba bulawa. Kona za na pahamezi fa pizi ye nsu. Mi mutalime sika se sinsu sa na ezize, mwabona, kipeto mwakona kubona. Mi fela mueze kuli. . . Haiba mwa ziba litaba za mina za kale, muli tokomele, kipeto mu ka. . . Kihande, mane ha mu lukeli neba ku liziba, fakuli mu—mu zibe Se. Cwale mutalime. Sepo kaufela ne se ifelile. Yeo kona pizi ya hae yensu.

Cwale, na pahami fa pizi ya hae yesweu, butali tali.

²⁹⁶ Mi afiwa mata; azwisa kozo, abulaya bo lule lule. Kona za na ka eza ha na pahami cwalo. Mi u sa li eza ni cwale. Mwabona?

²⁹⁷ Cwale, ki yo fa pizi ye nsu ya hae cwale, wa taha cwalo. Lusika lwa lififi, yani neli nako yani. Bukaufi fela keleke imano tomiwa, mi yaba ni mata, ba i amuha zeñwi kaufela. Mi ya fita kuzona, mwendi, myanda ni myanda ni myanda ya lilimo, kona mwa zibela mubali kaufela mwa masika a lififi. Ki ba bakai baba ziba cwalo? [Kopano ili, “Amen.”—Mu.] Luli, masika a lififi. Ki yeo pizi ya mina ye nsu, ye yemela lusika lwa lififi lwani. Cwale, sepo kaufela ne se i felile; nekusina sepo ni yekana. Kaufela za bonahala fela lififi, kwa balumeli babanyinyani. Cwale, kona ha i bizwa, ni kuyemelwa, ki pizi ye nsu.

²⁹⁸ “Buima bwa hae, kamba likala za hae, mwa lizoho la hae,” mwa bona. Inza huwa kuli, “Tikanyo ya buloto ki six-pence, mi litikanyo zetalu za mabele ki six-pence.” Mwabona, kaniti, zeo kikuli, buloto ni mabele ki lika ze limwa mi ki lico. Kona fo ku pangiwa sinkwa ni lico zeñwi. Kono, mwa bona, yena nasweli kulifisa. Taluso foo, ki kuli, nasweli klifisa batu ba hae ka mufuta wa sepo ya bupilo bwa na luma kubona, ka kueza. . . Na kalile ka yona nako yani, ku ba lifisanga litapelo, kulifisa litapelo. Ba sa eza cwalo ni nako ye; litapelo za kulifisa.

²⁹⁹ Kakuli, nasweli kueza sikamañi? Neli kuamuha sifumu sa lifasi. Sikala, kupimisa, “Tikanyo ya buloto ileka six-pence; litikanyo zetalu za mabele ki six-pence.” Mupahami wa pizi ye nsu, mwabona, nasweli ku. . . amuha sicaba sa hae masheleñi a sona. Kanti, Bibebe ibulezi kuli u sweli, mane, sifumu sa lifasi. Sina ha ne lubulezi maabani busihu ka za Russia, ni zeo kaufela,

ba amuha fela masheleni kaufela ni kuamuha fela sicaba kaufela ze ba nani, lika kaufela. Kacwalo, ki fo he cwale.

300 Cwale mulemuhe. Mwabona ko ku zwile kuñwata mali kwani, mwa keleke, ko li zwelezi? Musabe kwa lika ze cwalo; kuli muyahe kopano, nto yeñwi yetuna, yefeza ma-milioni faa. Mi—mi mwabona me wa zona mwainezi luli?

301 Na Itumela, Mulena. Oh, mawi! Ni tabile hahulu. Eeni, sha. Ku lukile. I bile sishemo sa Hae. Ku felile. Ku lukile. Ku lukile.

302 Neli nako ya mwahala busihu. Kikuli mwa utwisisa cwale? [Kopano ili, “Amen.”—Mu.] Mi fa u sweli kulifisa mali ka bupilo bwa mufuta o cwalo, boo kona buloto bwa hae ni zeñwi, za nama; ne si wa moya, cwale. Ne li mabele, mwabona, kacwalo, mi sinkwa sa mabele ni sinkwa sa buloto. Na sweli kulifisa mufuta wa bupilo bwani bo nasweli kufa kwa sicaba sa hae. Kulifisa litapelo ka baprisita, ku lapelela batu kuzwa mwa limbo. Kulifisa! Cwale Ni ngile lingambolo ze mwa litaba za kale. Kulifisa mane, Na sepa, libizwa novena, Na sepa, seo ki . . . mañi ni mañi mo wa ziba . . . Novena, Ni sepa ki nto ye mu na ni kueza, mwa ziba, tifo cwalo ya lifoso. Mutu uka lifisa mali ka zeo. Kutisa sifumu sa lifasi ku yena, kukena kuyena luli, kukena mwa keleke kasibili. Mi u sa pahami. Oh, luli u cwalo. Eeni, sha. U sa pahami!

303 Mulemuhe. Ki se fa sibaka sesinde cwale. Mulemuhe.

. . . *ubone kuli ha u sinyi* veine ni oli.

304 “Neli fela zelikani za Ona ze ne siyezi, kono usike wa swala Zeo!”

305 Cwale, oli ki . . . i yemela Moya, ili Moya o Kenile. Ni ka mifa litimana nyana haiba mwa bata. Kuna ni Mañolo amabeli. Mwa Levitike, 8:12, foo Aruni asika kena kale mwahali, na toziwanga ka oli, mwa ziba. Mi mwa Zakaria 4:12, ka za kutaha kwa oli, ye suluhela mwa lipizana, mi ili, “Wo ki Moya wa Ka, Oli.” Nto yeñwi, haiba mubata kubona Mateu, 14. . . 25, nekuna ni mwalanjo wa sikuba, kamba 25:3, mwalanjo wa sikuba nasina Oli, nasina Moya. Mi Mateu 25:4, mwalanjo ya butali nana ni Oli mwa lambi ya hae, atezi Moya. Moya! Oli iswanisisa Moya. Oh, kanya! [Muzwale Branham ukambela mazoho a hae mahomo hañwi—Mu.] Ku lukile. Mwa utwa kana? [Kopano ili, “Amen.”] Ku lukile. Cwale oli iswaniswa kwa Moya.

306 Mi veine iswaniswa kwa kupahama kwa zwelopili. Oh, Ni—Ni bata kumata mata mwa sibaka. Ha Ni zibi ha ne ni si ka zusa boni bapani ni bona, nako ya ni bonisa zona Mulena, mwabona, “kupahama kwa sinulo.” Mwabona?

307 Oli ni veine, mwa Bibebe, litamahana hamoho, kamita. Ni nani buka ya litaluso za manzwi amatuna ne ni libalile. Kuna ni tamahano ya zona, kuli mane inge—inge *cwana*, koo oli ni veine lizamaelela hamoho, ka nako kaufela. Mwabona?

308 Niti ya Linzwi le li sepisizwe la Mulimu ha se i patuluzwi ka niti kwa batanga ba Hae baba talizwe Oli, kaufela ba amuhela susumezo. Veine ki susumezo. Kanya! Na i utwa onafa cwale. Ba susumezwa ki tabo, kuhuwa! Mwabona? Mi, ha Li ezahala, Lina ni mata aswana ku bona inge—inge veine mo iezezanga ku mutu. Kakuli, sinulo ha se i filwe, ya Niti ya Mulimu, ni mulumeli wa niti ya talizwe ka Oli, mi sinulo ya patululwa, susumezo iba yetuna hahulu kuli U mueza kuba ni likezo za si ke kueza haiketile. Kiniti. Kanya! [Kopano ya nyakalala—Mu.] Mwabona, kona sesili butata ni bona cwale. Yeo ki niti, i ba ezisa lika ze sa swalehi.

309 Cwale, haiba mubata Liñolo ka ze, lukale fela kubala Likezo 2. Ba kai kana? Ne ba na ni sepiso ye ne filwe ku bona. Nako ye ba suluhelwa ki sepiso kaufela ya Moya o Kenile fahalimwa bona. Mi ne li. . . Neli ye pakilwe hande ka Mañolo. Cwale, mwa bona, ki. . .

310 Kucwani haiba ne ba kali. . . “Cwale, libelela, U lu bulelezi kulibelela bulumiwa bwa luna fa fahalimu faa.” Mi kasamulaho wa mazazi a eiti, ne ba kali, “Kihande, Ni ka mi bulelela, bashimani,” Mareka ubulelela Mateu, “Ni—Ni lumela kuli lu U amuhezi, balikani. Nji ha munahani cwalo? Mwabona, luna ni Ona kale. Hanze lu libelela cwalo bulumiwa bwaluna cwale, luswanela fela kuzwelapili, kukutaza. U lu bulelezi kutaha kwanu ni kulibelela, mane a seli mazazi a eiti elubile moo.”

“Kihande, ha lu litelaneñi.”

311 Mazazi a naini afita. Mi Mareka a yo tula, kamba—kamba—kamba mwendi alimuñwi wa bona, Joani, ali, “Ni—Ni—Ni lumela kuli ha lu lukeli kulibelela nako yeñwi hape. Ni lumela kuli luna ni Ona kale. Nji mina muli cwani?”

312 Mi Ni bona Simoni kiyoo, kakuli una ni linotolo, mwa ziba. “Cwale ha mu libelele fa muzuzu, bashimani! Mañolo ana ni sa kubulela ka se. Na si ka lu bulelela buñata bwa mazazi a kulibelela. Na ize, ‘Mu libelele kufitela! Muine kufitela sipolofita sa Joele si to ezahala, kufitela sipolofita sa Isaya si pakiwa.’”

313 “Kakuli ka malimi a sikukuma ni mishobo isili Ni ka bulela kwa sicaba se. Mi ye kona pumulo.” Ye kona veine ye suluhile. Veine ki sikamañi, mwa Bibele? Pumulo. “Ye kona pumulo ye zwelela fa Pila Mulena.” Mwabona? I—i lukela kuba ka Mañolo cwale. Mwabona?

314 Kaewalo, mwa bona, veine iyemela susumezo ya sinulo. Mi cwale Moya o Kenile ha u suluha, ba bona Mulilo wa Mulimu ha ba wela fahalimu, mawi, sani sa kala kukoteza susumezo ya bona. Mi taba yapili mwa ziba, ba susumezwa hahulu kufitela mane batu ba nahana kuli ba kozwi, kono ne ba susumezwa ka sinulo. Ka za Mulimu. . . Ki ye fa! Sinulo ya Mulimu ye pakilwe, ye patalalizwe ku bona, neba tabile ka Yona. Mulimu

na i sepisize. Fa ne i patuluzwi ku bona, ni ku pakiwa ku bona. Amen! Fa ne kuyemi muuna, yali, “Se kona Sani! Se ki Sona!” Mi ki Sani fani, kakuba sisupo sesiswana se luna ni sona kacenu. Kona kona—yeo kona susumezo ya sinulo. Mwabona? Mi, cwale, nebana ni Yona ka nako yani.

³¹⁵ Kona libaka Pitrosi ha ile, ni kubulela kuli, “Kiñi, mina baana ba Judea, ni mina baba tibezezi mwa Jerusalem, mu ni teezeze. Mina Madotoka kaufela ba za Bulapeli, muteeleze ku ze Ni ka mi bulelela, mwabona.”

³¹⁶ Oh, ha ki bunde ni boo! Kupatululwa! Kupatululwa! Ba to ba hahulu baba susumelizwe ha be libona li talelelizwe. Cwalo kamita kona mo kubelanga. Ku cwalo kamita.

³¹⁷ Ha Ni bona kuli Mulimu usepisize kueza sika mwa lizazi le, ha Na sepisize kumamulula Maswayo aa mwa lizazi la mafelelezo! Mi ha mu zibi tabo yateni, ni kanya, ha Ni Mubona ha patulula se, na yema fani ni kutalima ha si ezahala! Ni kuziba kuli Ni kanga mutu ufi kaufela, kulifisa: Na si ka bulelela neba taba iliñwi ku luna kono kamukana zona liezahalile ka swanelo yateni. Mi ni kubona tabo yeli mwa pilu yaka, ha Ni bona sepiso ya Hae ye sepiselizwe mazazi a mafelelezo aa, sina mwa Na sepiselize kuezeza. Mi fa Ni li boni ha li pakiwa ni ku bonahaliswa hande ka swanelo. Na fela . . . Mwa ni utwanga ha ni bulelanga kuli, “Ni ikutwa bulapeli.” Yani kona taba yateni. Susumezo ki yemaswe luli, Ni—Ni—Ni ikutwanga fela—fela inge ni zamaye ni kale kupumaka, mwa ziba. Susumezo, yetaha ka sinulo! Ku lukile.

³¹⁸ Baba ni susumezo hahulu, bakeñisa si—si sinulo, kuli ba pakilwe ka swanelo, ku lukile, kona sepiso. Cwale, oh, mawi! Kwani kwa tumuka tabo ya susumezo, kufitela sicaba sibulela kuli, “Ba kozwi veine yenca,” Mulimu ha patulula sepiso ya Hae ku bona. Mi mane Na si ka i patulula fela cwalo, kono Na i bonahalisize.

³¹⁹ Kona ze Ni bile ni ambolanga kamita zeo. Mutu wakona kubulela sika kaufela, eehe, mane wakona fela kubulela sika kaufela; kono cwale konji Mulimu a tahe fateni ni ku to si paka!

³²⁰ Cwale, Bible ibulezi kuli, “Haiba kuna ni alimuñwi mwahala mina, ya ipapata kuba wa moya kamba mupolofita, haiba ubulela litaba ze mi ha li ezahali, yo shangwe musike mwa muisseza ngana. Musike mwa mu saba, ni hanyinyani. Musike mwa saba muuna yoo. Kono haiba u bulelela sika mi si to ezahala; yoo ki Na, mwa bona. Na, Na ni inzi ku yena. Zeo lipaka ze li ku Na.”

³²¹ Mi, he, musali yomunyinyani yani wa Musamaria. Kanti Mañolo na bulezi kuli Mesia uka eza lika zee, mi fa Na yemi inza eza ona cwalo luli sa bulezi Mañolo. Musali ali, “Ki yena Yoo. Amutahe, mutobona Muuna yoo! Hanili kona sa bulezi Mañolo luli kuli si ka ezahala?” Mwabona, na susumelizwe ka

sinulo. Kana ku cwalo? [Kopano ili, “Amen.”—Mu.] Na bile ya susumezwa ka sinulo, nako ye ipakiwa. Mwabona? Yeo ki niti. Na zibile kuli nekuna ni . . .

322 “Lu ziba kuli Mesia wa taha, Ya bizwa Kreste. Mi Ha ka taha, Uka eza lika zee.” Na li boni.

 Mi Yena ali, “Kina Luli.”

323 Mi susumezo ya kalisa. Mi ona fani aikela, inza huwa, kukena mwa munzi ona cwalo. Asiya ndondo ya hae ya mezi, ni ku shetumuka mwateni, a bulelela baana ali, “Amutahe, mutobona!”

324 Cwale, kambe mwa ziba lizo za kwa Upa, ha ki swanelo kuli musali aeze cwalo. Eeni, sha. Musali wa mufuta o cwalo, hakuna ya na ka muteeleza. Batili, sha. Mwabona, nana ni mo ne ba muzibela, mi nako yana . . . Haiba na ka zamaya mwa mukwakwa ona cwalo, ni kueza ze cwalo, baana ba mwa mikwakwa ne ba si ke ba muiseza ngana.

325 Kono, muzwale, na na ni Linzwi la Bupilo fani! Na susumelizwe. Ne mu ka . . . Ne ikaba sina kulika kutima mulilo, fa ndu yetuka, ka lizazi la moyo omutuna. Oh, kuna ni se si u tukisa esi! Musali na—na musali na itukisize. Eeni. Ne ba si ka kona ku Utima. Wani neli Mulilo wa Mulimu ono tuka. Eeni, sha. Ki hali, “Ha mu sa lumeli cwalo, mutahe fela kwanu ko ku ezahala mukopano wateni. Ni ka mi bonisa.” Eehe. Kona cwalo. Eehe. Eeni, sha.

326 Mi kacwalo baana bazwela kwateni. Mi Na si ka kutela ku lieza hape. Kono ba ziba kuli kuna ni se si ezahalile ku musali yani. Na cincizwe, kacwalo ba Mu lumela. Eeni, sha. Ba Mu lumela.

327 Kakuli, “Tumelo i taha ka kuutwa, kuutwa sepiso ya Mulimu, lona Linzwi la Mulimu, ni ku I bona ha i talelezwa.” Kakuli, Ki peu. Mi cwale ha I cezwi, Ikanga Bupilo. Ika tahisa fela se I bulela. Haiba i sa ezi cwalo, kipeto ha ki Peu ya Mulimu. Kamba, mucali na sa zibi mwa ku I calela; Na si ka lumwa ki Mulimu, ku to cala Lipeu. Hakulata wakona ku Li cala fahalimu a licwe kamba nto yeñwi. Mwabona? Kacwalo mwa—mwa bona, mucali ya cala Peu, Mulimu ki yena wa I babalela, I wela mwa sibaka se si lukile, mwa bona. Oh, mawi!

328 Cwale I bulela sikamañi ku mupahami wa pizi yensu yoo? “U si ke wa sinya veine ya Ka ni Oli ya Ka! U si ke wa Li swala, veine ya Ka ni Oli! Ni na ni fela yelikani ya Yona kulo mwani, kono ku sa na ni zelikani mwani. Eehe. Cwale wakona kuzwelapili ni kupima bupilo bwani kaufela bo sweli kubonahalisa; zeo liitingile ku wena. U ka yo lifa kulo kwani. Kono ha u fita fa veine yani ni Oli, u Li siye fela hamoho!” Oh, mawi! Hiba u kona, haiba uka . . .

329 Ka manzwi amañwi, sina cwana, “Haiba u swala yeñwi yenyinyani ya Mutapi wa Ka, zetezi Oli ya Ka ni veine, mwabona, veine ni Oli ya Linzwi leli kenile, mwabona, mi uka li bulaya. Kakuli, mina, usweli kueza ona cwalo. Kona zosweli kueza. Usike wa ba hapeleza kubulela za kuli ‘Lumela Maria,’ kamba kueza sika kaufela se si cwalo, kamba zeñwi za lituto zalitumelo za mina. U sike wa beya mazoho a hao ku bona. Ba ziba ko baya, kakuli ba tozizwe ka Oli ya Ka. Mi ka kutoziwa ka Oli ya Ka, bana ni veine ya tabo, kakuli ba ziba Linzwi la Ka la sepiso, ‘Ni ka ba zusa hape.’ Usike wa sinya Zeo! Usike wa lika ku yo li sinya sinya. Kakuli, u inele fela kwahule ni Zona. Batili.” Kaufela . . .

330 U paka Linzwi la Hae ni ku Li tisa mwatani. Ne ba ziba. Ne ba ziba kuli ba ka zuha hape. Oh, mo Ni latela cwalo! Whew! Ba ka zuha hape. Ki yeo pizi yensu ya taha, ipahami cwale, masika a lififi.

331 Mi pizi yesweu ya ya; lu boni sene i ezize, ka swanelo. Ki yeo pizi ye soto ya taha; lwa bona handende sa na ezize. Ki yeo pizi yensu ya taha. Mwa bona, ki mupahami yaswana ka nako kaufela, za sweli kueza, kutaha cwalo mwahala masika.

332 Cwale lu fumana kuli, na li pimile kaufela, ka swanelo: buloto, za nama, bupilo bwa nama. Kona ze ne ba pila ka zona.

333 Kono, kubonisa; Moya, Oli; ni tabo ya veine. “Ona Bupilo bwa moya bwani, usike wa holofaza Zeo. Li tuhele fela ona Cwalo!” Kusi cwalo, “Rome, usike wa Li swala! Ki za Ka! Zeo ki za Ka!”

334 Cwale Nina ni taba yeñwi fa ye Ni bata kuli muzibe. Mulemuhe, ne si iliñwi ya Libupiwa zene ze ne bulezi kuli, “Usike wa swala Oli ni veine.” Kikuli mu lemuhile cwalo? Libupiwa zene ne lisweli kuambola, kono . . . Mutalime, haluboneñi ni balefela fateni, hanyinyani fela, mwabona, cwale.

. . . *tikanyo*, ya six-pence, *ya—ya* . . . *buloto ileka six-pence*, *mi litikanyo zetalu za mabele lileka six-pence*; *kono ubone kuli usike wa sinya veine ni* . . . *oli*.

335 Cwale ha muteeleze kwanu.

Mi Na—mi Na utwa linzwi mwahala libupiwa zene . . .

336 Neli sikamañi Seo? Neli Ngunyana! Amen! Ne si Libupiwa zene. Ki Ngunyana yene li bulezi. Kiñi? Ukanga be ili ba Hae Tota. Baba li ba Hae. U ba liuluzi. Mwabona? Amen! “U si ke wa swala Oli yeo!” Batili, sha. Isiñi Libatana zene, kono Ngunyana kona Yene bulezi cwalo. Mi, oh, mawi! Ngunyana! Isiñi . . . Libupiwa zene ne li si ka bulela cwalo. Ki Ngunyana yana bulezi, yena Kasibili.

337 Libupiwa zene ha ne liize, “Taha u to bona,” mi za ya, mi za libona ona cwalo.

338 Mi Ki hali, “Tikanyo ya buloto ileka six-pence, mi litik- . . . ni zeñwi li leka *bukana*, ka mabele akuma fa kuli.” Kono cwale

Ngunyana ya huweleza, inge ili mwahala zona, yali, “Kono usike wa sinye veine ni Oli!” Uh-huh. Yeo ki niti. Oh, mawi! Amuteeleze ki foo, “Usike wa Li sinye, mushimani, kakuli uka yo lifa ka zona zazi leliñwi.” Oh, mawi!

Naini-seti.

³³⁹ Kihande, kuya ka mo ni utwisiseza, ni zende ze Ni ziba, ni ze Ni lumela kaufela mwa pilu yaka, yeo kona taluso ya niti ya Maswayo amalalu ao. Ni bata kulumba Mulimu ka zona. Mi Ni ka bulela cwana, kuli, ki sinulo ya Ni file. U ni file yona, sinulo ya Teni. Mi Ni lumela kuli lupila mwa mazazi a mafelelezo.

³⁴⁰ Kamuso busihu lu ka nga mupahami wa pizi ye seta yani. Mi cwale ha Ni zibi. Ha ni zibi. Mulimu u ziba kuli yeo ki niti. Hakuna se ni ziba ka yona. Batili.

³⁴¹ Ne ni talima zene Ni ñozi lilimo zefitile kwa mulaho. Ni boni Muzwale Graham Snelling nako nyana; hakulata uzwezi fande. Kono, Na hupula ha Ni kutaza kwanu, sapili. Ne ni talima kubona ze ne Ni bulezi myaha ya kwa mulaho. Zazi leliñwi Ne ni sweli kutalima mwa Buka ya Sinulo, Ne ni ngile bapahami babane kaufela ka nako iliñwi.

³⁴² Se nili, “Pizi yesweu, yani neli keleke ya makalelo, hakuna kukakanya.” Ne ni balile zeo mwa buka ya Masabata. Mi Na bala nto isili mwani. Na li, “Yani neli keleke yapili ye ne ile cwalo, inze ikoma.” Mi yetatama neli pizi yensu, ne Ni ize . . . Ni libezi cwale mo ne Ni bizelize pizi yensu yani. Ne ni ize . . .

³⁴³ Kamba, “Pizi ye fubelu,” nitaluse, Se nili, “pizi yani cwale ne italusa kuli—kuli butata bu mwa nzila, mi ku ka talusa lindwa zeñata ze kaezahala, kamba nto ye cwalo.” Se nili, “Kubonahala kuli ku kaba lindwa zeñata.” Se nili, “Kona ze ka ezahala zeo.” Mi cwale se Nili, “Haili—hali pizi ye seta- . . .”

³⁴⁴ Kamba, “Ye—ye pizi yensu,” Se nili, “zeo—zeo litalusa kuli—kuli mwendi ku ka taha nako ya lififi mwa lifasi, foo linaleli kaufela halika—halika tuhela kumonyeha; lizazi li ka likela, mi kweli haiba kufa liseli la yona.” Se nili, “Zeo cwale kona se li talusa.”

³⁴⁵ Se nili, “Pizi ye seta, i talusa matuku amañata a taha.” Cwale, Ha ni zibi ze i talusa. Kono, yeo, yeo kona yeneli toloko yaka ka zona linako zani, kakuli Ni i italimile fela ka mo ne Ni konela, ka kuyema fa katala fa.

³⁴⁶ Kono, oh, Ni batile kubulela nto yeñwi! Ku lukile. Hum! Oh! Muka—muka bona. Mutalimele fela, mwabona.

³⁴⁷ Cwale, oh, kana ha lu si ka taba ka hola ye lupila kuyona yee! [Kopano ili, “Amen.”—Mu.] Ha lubona ze kaufela litaha cwalo, Ni nahana kuli:

Linaha za ikaba, Isilaele wa zuha,
 Lisupo zene ba bulezi kale bapolofita;
 Mazazi a Bamacaba a balilwe, ni misima i
 katilwe;
 “Mukutele, O mina mu hasani mukutele
 haenu.”

Lizazi la kuliululwa li fakaufi,
 Lipilu za batu za ikalelwa ka sabo;
 Mu tale Moya, malambi amina atuke mi
 amonyehe hande,
 Mutalime kwahalimu, kuliululwa kwa mina ku
 sutelezi! (Oh, mawi!)

Bapolofita ba buhata ba puma, Niti ya Mulimu
 ba i altuzi,
 Kuli Jesu Krete ki yena Mulimu waluna;

Kana mwa lumela Cwalo nji? [Puteho ili, “Amen.”—Mu.]

Kono luna luka zamaya mo ku zamaile ba
 apositola.

Kakuli lizazi la kuliululwa li fakaufi,
 Lipilu za batu za ikalelwa ka sabo;
 Mu tale Moya, malambi amina atuke mi
 amonyehe hande,
 Mutalime kwa halimu, kuliululwa kwa mina
 ku sutelezi!

³⁴⁸ Kikuli ha kik zende zeo? [Kopano ili, “Amen.”—Mu.] Na lata
 cwalo. Puluso i fakaufi.

Mi kukaba Liseli ka nako nako ya
 manzibwana,
 Nzila yeisa kwa Kanya mu ka ifumana kaniti;
 Mwa nzila ya mezi, kuna ni Liseli kacenu;
 Kupumbekwa mwa Libizo lelinde la Jesu.
 Banana ni babahulu, mubakele libi za mina
 kaufela,
 Moya o Kenile uka kena mwateni luli;
 Liseli la manzibwana litile,
 Ki niti kuli Mulimu ni Krete ki Alimuñwi.

Ki yena Linzwi! Oh, mawi! Kibunde!

Cwanoñu Ngunyana ukatonga Munyaliwa wa
 Hae abe kwatuko a Hae,
 Limpi za Lihalimu kaufela lika kopana;
 Oh, ikaba pono yetabisa, balumeli kaufela ba
 apezi zesweu zesina litiba;
 Mi ba ta ca ni Jesu Kuyakuile.

Oh, “Tahēni mu ce,” Muluti wa biza, “Tahēni mu ce;”

Oh, mwakona kucela fa tafule ya Jesu ka nako kaufela;

Ya na fepile sicaba, afetula mezi kuba veine, Ku ba ba lapile wabiza cwale, “Tahēni mu ce.”

Oh, “Tahēni mu ce,” Muluti wa biza, “Tahēni mu ce;” (Ku ca Linzwi!)

Mwakona kucela fa tafule ya Jesu ka nako kaufela;

Ya na fepile sicaba, afetula mezi kuba veine, Ku ba ba lapile wabiza cwale, “Tahēni mu ce.”

349 Oh, mawi! Kana mu lapile? [Kopano ya nyakalala—Mu.] “Bana ni mbuyoti baba na ni tala ni linyolwa la kuluka.”

350 Kana mwa Mu lata? [Kopano ili, “Amen.”—Mu.] Kana mwa Mu lata? Munembo wa yeli *Na Mu Lata*, mwa ziba. Ha luyemeñi kaufela cwale, ni kunanula mazoho a luna ni kubonisa zeo ku Yena. “Na Mu lata, Na Mu lata kakuli U ni latile.” Ku lukile, kaufela hamoho cwale.

Na Mu lata, Na Mu lata

Kakuli U ni latile

Ni kuleka puluso yaka

Fa kota ya Kalvari.

351 [Muzwale ubulela ka lulimi lusili. Muzwale Branham wa kutumana—Mu.] Ka likute fela. Luna ni mutoloki mo, Muzwale Higginbotham. Ha ni zibi haiba uteni mo busihu cwana, kamba haayo. Lu bata ku utwa Za lu bulelezi. Fa muzuzu fela. Fa, fa . . . [Kezeli u fa toloko.]

352 Luli, kulumbwe Mulena! Tumelo yaka i nanuhezi ku Mulimu. Mina, mwa Mu lata, busihu boo, ka lipilu za mina kaufela? [Kopano ili, “Amen.”—Mu.] Oh, amu Mulumbeke, mi muli, “Lu Itumezi, Mulena Jesu!” [Kopano ilumba Mulimu.]

353 Mo lu Ku fela milumbeko, ka lipilu zaluna kaufela, Mulena! Kanya ku Mulimu!

354 Amu Mufe fela milumbeko, kamuka mina sicaba. Mulimu abe ni mina! [Kopano izwelapili kunyakalala ni kulumba Mulimu—Mu.]



LISWAYO LA BULALU LOZ63-0320

(The Third Seal)

MUKOLOKO WA SINULO YA MASWAYO ASUPA

Liñusa le ka Muzwale William Marrion Branham, neli kotalizwe lwa pili mwa Sikuwa la Bulalu manzibwana, Liatamanyi 20, 1963, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org